

本草彙言

腕有痰飲惡血。或脹或痛者。用韭菜白一把。白滾湯畧
煮。不可過熟。和醬油薑醋拌。日食之。一月愈。○治痔瘡
腫痛。用韭菜一把。泡滾湯中。以器蓋之。罅一孔。乘熱坐
孔上。先熏後洗。數次愈。○治小兒胎毒。四聲本草初生時。以韭菜
汁數匙灌之。卽吐出惡水涎沫。永無諸病。○治跌撲傷
損出血。并金瘡出血不止。以韭汁和風化石灰。日乾。每
用爲末。傅之立止。○治風犬咬傷。時後方用冷水洗淨傷處。用
韭菜搗汁一碗。飲之。渣隨傅傷處。七日再如法搗汁飲。
并渣換傅。以四十九日。共飲汁七碗。渣換七次。忌食魚。
猪雞鷄犬肉。百日。

○韭子

味辛甘氣溫無毒

通淋濁利小水之藥也。

白濁之訣

李氏曰。腎主閉。

藏肝主疎泄。韭乃肝之菜。臭氣歸腎。善疎泄閉藏。抑鬱之氣。故淋濁可通。溺閉可利。又遺尿不禁可止。按素問曰。思想無窮。與入房太甚。發爲筋痿。及爲白淫。男隨洩而出。女子綿綿而下。乃足厥陰肝病也。此藥專治遺精漏泄。淋濁。小便不通。不禁。女子帶下者。能入厥陰。甘溫而補肝。及命門之不足。故專治下焦諸證云。

○韭黃乃韭芽之未出土者。味其辛氣溫有小毒。酒席中以此供饌。甚可口。官家嘗珍之。然食之滯氣發瘡。亦以含抑鬱未申之氣故也。

葱味辛甘。氣溫。無毒。氣厚。味薄。可升。可降。陽也。通行手足。

十二經。

韓氏曰。葱有四種。南北東西皆有之。山谷者曰蒼葱。陸地者曰胡葱。葉蔥。漢葱。又名大蔥。其莖鱗碩而味淡。春時開花。作子存黑。味辛而三。種東。人名冬蔥。或名大蒼葱。其莖柔軟而香。不結子。分莖莖。夏長冬盛。上供多用之。胡葱莖葉俱大。而硬。味辛。熟者葱似胡葱。而稍細。蒼葱療病相宜。凍葱入食料最美味。辟腥氣。外有一種五爪葱。荆楚人多種之。其皮微赤。每莖上出歧如角。角下生根。五月摘。下種之。成叢不結子。亦可充食料。今浙人亦種。盆內云能辟邪。

○葱白發散寒邪。疏通逆氣。流散血鬱之藥也。方龍潭曰。

味辛。應金。中空象肺。前人主傷寒邪在太陽經。寒熱頭痛。無汗。氣促者。又治霍亂轉筋。慎悶腹疼者。凡陰寒之證。惟此可攻。如喉痺不通。腮頰腫脹。或洩便阻閉。小腹

急墜或胎孕不安。腰腹疼痛。或心胃攻疼。寒熱蟲積。或
奔豚。癰疽。走痛。上下。或脚氣內攻。腹脹厥逆。凡氣閉之
證。惟此可行。凡諸肉食之味。用葱調制。不但取其香烈。
辟腥而亦可解百物之毒也。生則辛散。而發越表裏寒
邪。熱則甘補而通達上下。陽氣氣者。血之帥也。氣通則
血活矣。故陳氏勝金方。每製乳香沒藥。俱搗葱汁煮
之。能使氣行血和之意。大抵此劑。辛烈之性最甚。而發
散之功最多。若多食則昏人頭目。損人元氣。蓋因走散
之力大也。分而論之。或謂葱白解表。葱實補中。葱葉去
毒。葱根止頭痛。極有理也。

盧千曲先生曰。葱也。自根層理。綠莖空中。上達橫徧陽

氣前通之象也。方之奇方急方。劑之宜劑通劑也。故力
能內開骨節。外達毫竅。上徹顛頂。下及跌踵。故主陽氣
閉塞。致寒風外侮。作湯蕩滌之。前通陽氣。揚液爲汗也。
其氣開出。當入太陰。其性通明。當入陽明。倘陽明闔機
不及者。投之寧免走泄之失。

○集方治傷寒

活人書

頭痛如破。發熱無汗。氣促者。用連根葱白

八兩。生薑二兩。水煮溫服。

初起一二日。用此取汗。○治

傷寒因交接勞復者。

腹痛卵腫。用葱白二兩。搗爛。和入

米醋一鍾。白滾湯一碗。調和飲之。○治霍亂煩躁。坐臥

不安者。用葱白二十莖。大棗十枚。水二升。煎一升。溫和

服。○治喉痺不通。腮頰腫脹。用桔梗五錢。甘草一錢。水

煎臨服時。和入葱汁半盞。徐徐飲之。○治小便阻閉不

本事方

通。小腹急墜。用葱白三觔。剉炒。用帛盛二個。更互熨摸。

小腹氣透即通也。○治胎孕不安。腰腹疼痛。或胎上逼。

心。坐臥不得。用葱白一觔。煮濃汁飲之。未死即安。已死

即出。未効再服。一方加當歸、川芎各三錢同煮。○治心

竹堂方

胃攻痛。不拘寒熱蟲積。甚至牙關緊閉。欲絕者。以老葱

十莖搗爛。入滾湯數匙。帛裹絞汁。半盞再和脂麻油廿

餘匙灌入。但得下咽即甦。少頃蟲積皆化。黃水下。永

不再發。○治奔豚癭疝走痛上下。用葱白一兩。茯苓生

方脈正

薑各五錢。胡盧巴三錢。水煎服。外再用葱白八兩搗膏。

炒熱。用帛裹熨小腹臍間上下。○治小兒盤腸內釣腹。

湯氏寶鑑

痛用葱白二兩煎湯洗兒腹上再以葱白連鬚者三兩搗膏炒微熱貼臍上良久尿出痛自止○治肺氣內攻方脈正宗腹脹厥逆用葱白四兩枳殼板榔牛膝各五錢大黃酒製附子童便製各三錢水煎徐徐灌之。

○續補集方治陰毒腹痛厥逆唇青卵縮六脉將絕者用

市賜希人書

葱一大束去根及青取白二寸用線札成墩子烘熱安

臍上以熨斗盛火熨之葱壞即止良久熱氣透入手足

溫而有汗即瘥乃服四逆理中參附諸湯若熨而手足

華佗救急方

不溫不可治○治脫陽危證凡人大吐大泄之後四肢

厥冷不省人事或與婦人交後小腹絞痛外腎收縮冷汗出先以葱白炒熱熨臍上再以葱白三七莖搗爛用

酒煮灌之。陽氣卽回。○治大人小兒蘇氏方無故卒然死絕名

爲中惡急取葱白心一段刺入鼻孔中男左女右鼻中

血出卽甦。○治水腫用葱白一把煮水二碗徐徐服當

下水出病已。○治困者取葱搗爛坐之。○治諸般腫毒疔

毒以葱汁煎稠和煉熟蜜少許乘熱不時塗之。○治腦

破骨折用葱白搗膏和生蜜少許再加小麥粉和勻厚

封傷處効。

薤白味辛苦氣溫性滑無毒可升可降陽也入手陽明經

李氏曰薤又名火葱又名菜芝生魯山平澤今所在亦有八月栽根九月分蒔宜肥壤之地種法一本率七八支或多者科輒圓大故以七八為率也狀似韭但韭葉中實而扁有劍脊薤葉中空而稍圓有稜線嗅如葱二月作花細碎紫色白色不結實爾雅翼云薤似韭而無實也亦不甚葦古禮脂用薤膏用薤膏犬豕之屬脂羊牛麋鹿之類葢物各有所宜故薤與牛肉同啖令人激痕是矣葢雖葦物迺能去腥第狼食之迷虎啖之潰鼠吞之毛落狗嚼之反胃獨與獸不相宜也今圃人種薤者每用大蒜置硫黃其中久則種分為薤薤有赤白二種赤者苦無味白者肥且美可供食饌充藥用閩人口作素蔬飯僧供佛交天祀神非此不稱敬別有一種水晶薤蒜根慈葉與薤相似其臭不臭亦其類也按王禪農書云野薤俗名天蒜生麥原中似薤而小味益辛亦可供食但不多有爾雅所謂山韭者是矣

○薤白溫陽煖胃行滯氣禁洩痢之藥也邵起寰曰按李

時珍言道家以薤為五葷之一其性溫補服食家皆須

之。又按杜氏詩云。束比青芻色。圓如玉筋頭。衰年關膈冷。味暖併無憂。又按王禎農書云。生則辛疎能引涕唾。熟則溫補。能利腸道。蘊之不蠹。嚼之有益。老者怡之。少者懷之。學道人資之。疾病人賴之。如孟氏本草云。服之可通神明。安寃。臆益中氣。續筋力。據此諸說。則薤之一物。補陽暖胃。非虛語矣。但溫辛性熱。如陰虛發熱病。不宜食也。

○集方治赤白久痢。用薤白食醫心鏡和白米煮粥食之。此方又治產後諸痢。小兒疳痢。同法。○治胸痺刺痛。喘息欬嘔。短氣者。用薤白八兩。括樓實一枚。水神農本草經二升。煮半升。服一方加半夏。生薑。枳實各五錢。○治卒中惡死。用薤白湯汁。

灌入鼻中即省。○治產後諸痢。用薤白一把同羊卵炒

食。○治妊娠胎動腹痛。用薤白一兩。當歸五錢。水煎服

○治咽喉腫痛。用薤根搗爛。熱醋調塗腫處。

○治血向口鼻中出。如湧泉。諸藥止之不効者。用生薤白

生韭白。生薑各五錢。生地黃。生荷葉。生藕節。生茅根。各

一兩。俱搗汁。冷飲之。○薤白湯。治一切腹痛之總司。腹

痛有寒熱。食血濕痰蟲。實虛九般之別。用薤白三錢。香

附。川芎。白芷。茯苓。黑山梔。陳皮。乾薑。各一錢五分。水煎

服。○腹痛綿綿。無增減者。寒也。本方加吳茱萸。木香。砂仁。

肉桂。腹痛乍痛乍止。口渴而小便澀者。火也。加黃連。黃

芩。白芍。天花粉。腹痛而瀉。瀉而痛減者。食積也。加山楂。

枳實、薤白、厚朴、腹痛着、一處不移者、是死血也。加桃
仁、歸尾、玄胡索、川芎、肉桂、紅花、腹痛而小便不利者、是
濕痰也。加蒼朮、豬苓、澤瀉、半夏、腹痛而釣引脇下有聲
者、是痰飲也。加蒼朮、南星、烏藥、木香、半夏、厚朴、腹痛而
時止時作、面白唇紅者、是蟲積也。加烏梅、花椒、檳榔、苦
練子、牽牛、頭疼腹痛、以手按之、脹軟而痛止者、虛也。加
人參、白朮、當歸、黃耆、白芍藥、熟地黃、腹痛手不可按者、
是實痛也。加枳實、檳榔、瓜蒌仁、大黃。

白芥子味辛氣溫無毒

李氏曰白芥生太原河東但處處可種今人知蒔者少以入九月下種冬生苗葉可食至春深莖高二三尺其葉花而有子如花芥葉青白色莖易起而中空性脆畏狂風大雪須用竹枝謹護乃免折損三月開黃花香能結角如芥角其子大如梁米黃白色又有一種莖大而中實者尤高其子亦大此菜雖是芥類迥然別種也入藥勝於芥辣子

○白芥子化痰消痞之藥也沈孔庭曰按李氏方云辛能

利氣溫能發散故其功用專於豁痰平逆氣推爲上劑如痰在膜脇關節之間胸膈藏府之內非此不能通達古方控涎丹用此正此義也又按韓氏醫通云凡老人苦於痰氣喘嗽胸滿噎食不可妄投燥利之藥宜三子養親湯治之隨手獲効蓋白芥子主痰而下氣寬中紫

楠子主氣而定喘止嗽。蘿蔔子主食而消滯降氣。各微炒。研末。每劑不過三四錢。煮湯飲之。如大便素實者。入白蜜二三匙。冬月加薑一二片。尤良。如陰虛勞瘵。血虛生痰之證。禁用之。

○集方治胸膈痰飲。用白芥子五錢。白朮一兩。爲末。棗肉和搗爲丸。梧子大。每清晨白湯下百丸。○治風濕_方濕_正痰_氣結成痞塊。外用白芥子爲末。醋調敷患上。內用白芥子爲末。神麴打糊丸。梧子大。每服三錢。清晨參朮湯下。○治痰火煩運。用白芥子、黑芥子、大戟、甘遂、芒硝、硃砂各等分。爲極細末。神麴打糊爲丸。如梧子大。每食後服一錢。生薑湯下。○治冷痰痞滿。用白芥子、黑芥子、大戟、甘

遂胡椒肉桂各等分。爲末神麴打糊丸。梧子大。每服一

錢。生薑湯下。

○治腫毒初起用白芥子研末醋調塗之

癰疽集方

治氣膈脹。名五子散。用白芥子山查子香附子紫蘇子白蘿蔔子各五錢微炒。共研爲細末。每早晚各食前服三錢。白湯調下。

治肺癰吐膿血咳嗽面腫。用陳年芥菜滷久埋地中者。每日取十數匙溫湯頓熱飲之立愈。真仙方也。

菜菔子。味辛。其氣平。無毒。可升。可降。陰中陽也。入手足太陰經。

蘇氏曰。菜菔南北皆有。北土尤多。有大小二種。小者肉堅。宜蒸食。大者肉脆。宜生啖。河朔有極大者。而江南安州。洪州。信陽者。極大。重至五六斤。亦一時種植之力也。李氏曰。性喜燒土。隨地可植。夏末布種。秋末刈苗。冬末采根。春末抽薹。高五六尺。開細花。紫碧色。夏初結角。其子如大麻子。紫赤色。圓長不等。其葉有大者如蕪菁。細者如花芥。皆有細柔毛。其根色白。其狀有大小長短圓扁。蘊滑。上銳下尖。細腰巨腹。歧尾。又頭有鬚。無鬚之別。大抵生沙壤者。脆而甘淡。生肥土者。堅而甘辣。可生可熟。可蘊可醬。可醃可醋。可糖可鹽。可飯可羹。乃蔬中之最有利益者。與地黃同食。令人髮白。

李時珍

○菜菔子。消食化痰。下氣定喘之藥也。陸平林贊曰。菜菔味辛。性劣。有薑之操。有芥之烈。散血消食。下氣降痰。功效甚捷。其子味更辛利。故日華方研汁飲。吐風痰利大。

小便解積痢後重。又醋調敷消腫毒。去脹滿。散跌撲損傷。瘀血內結。諸證皆利氣之効也。丹溪方謂蘿蔔子治痰有推墻倒壁之功。然其治痰蓋本於利氣矣。如元虛氣弱之人。有痰喘氣閉者。當與補養藥同用。庶幾乎。

○集方治老人痰氣喘嗽。用萊菔子合白芥子。蘇子。名三

子養親湯。方見前白芥子。韓氏方中。○治一切痰嗽喘

勝金方

急。用萊菔子一兩。爲極細末。甘草三錢。爲細末。煉蜜丸彈子大。黃昏或五更時。噙口內。徐徐嚥之。痰自消。食自化矣。○治氣脹氣壅。用萊菔子四兩。研水絞汁。浸砂仁二兩。浸一夜。炒燥。再浸炒。凡三四次。爲末。用一錢米湯調服。○治瘡疹欲出不出。用萊菔子生研末。米湯調服。

一二錢。○治風痰壅閉脹滿昏塞用萊菔子二兩生研

末白湯調和絞汁飲一切痰結立時湧出。○治大小二

便不通用萊菔子二兩煎湯立通。○治痢疾有積後重

不通用萊菔子五錢白芍藥三錢大黃一錢木香五分

水煎服。○治腫毒疼痛不消用萊菔子一兩生研爛和

米醋調敷消腫滅毒氣。○治痰蠱食噎用萊菔子一兩

生研爛和米醋調敷臍腹上漸消。○治跌打損傷瘀血

脹痛用萊菔子二兩生研爛熱酒調敷漸消。

治痢疾久不止。用萊菔子二兩。白酒一鍾。浸一宿。取起搗汁。和酒濾出。加蜜一鍾。同煎滾。調勻溫服。立止。
六聖膏。治一切疳塊。積氣。癰痰。肚大青筋。氣喘上壅。或發熱咳嗽。吐血。衄血。用萊菔子。大黃。肥皂肉。生薑。生葱。大蒜頭。去衣。各八兩。右共搗爛。用水百碗。煎將乾。濾去渣。再熬汁。成膏。黑色為度。乘熱攤絹帛上。貼患處。
治小兒疳風。撮口。用萊菔子。生薑。葱白。田螺肉。各等分。共搗爛。搭疳四旁。一指厚。炮住。一時有屁。下泄而愈。
論疳風。多因斷疳之時。被風濕所侵。視按其疳。必硬直。定有疳風。必自斷疳之時。被風濕所侵。視按其疳。必硬直。死于青筋。初發。急燈草蘸油。燃青筋頭。并岔行盡處。燎之。使截住。不致攻心。更以外灸中脘三壯。內服萬應丸一二粒。以泄其胎毒也。
論撮口。由胎氣挾風熱之邪入疳。毒流心脾。故令舌噤。唇青。聚口啼哭。不得當視。其藍根之上。有小泡子。如粟米狀。急以針挑破。即開口。便安。或用牛黃五寶。將白湯調。滴入口。即愈。

生薑味辛甘。氣溫。無毒。氣味俱厚。浮而升陽也。入肺脾腸

胃諸經

李氏曰薑生漢溫池州江西浙江諸處宜原濕沙地四月取母薑種之五月生苗如初生嫩薑又似竹葉而稍闊兩葉對生葉亦辛香無花實性惡濕瀝而又畏日如秋熱則無薑設一莖稍微則根病矣秋社前後新芽頗長如列指狀一種可生百指皆分岐而上即宜取出母薑否則子母俱敗秋分采芽脆嫩可口霜降後則生筋而老矣日乾即為乾薑又春秋運斗樞云瑤星下散而為薑

○薑能通神明去穢惡散風寒和脾胃之藥也張元素蓋生用發

散乾則溫中凡中風中暑中氣中毒乾嘔霍亂一切卒

暴之證用薑汁與童便和服立可解散然薑能開痰下

氣童便能降火也又生薑性散能驅肌表之風寒乾薑

性守能攻腸胃之寒濕生薑止嘔而治泄瀉自利乾薑

上痛而治臍腹攻疼。生薑佐大棗而厚腸胃。乾薑君黃連而瀉陰火。生薑配二陳而治痰尤捷。乾薑配歸朮而治痢最良。然而血證不可用熱藥。以其血熱則行也。又於吐血下血及崩漏迫血妄行。反用炒黑乾薑以佐之。可以止血。其故何也。蓋物極則反。血去多而陰不復。使陽無所附。得炒薑之溫。助陽之生。則陰復而歸於陽矣。豈血有不止之理乎。又生薑爲治寒之藥。而治火尤佳。若芩連之劑。以薑拌炒。使苦寒之劑。因其從而治其熱也。何薑之不可用乎。大抵薑之一劑。從其性而用之可也。設使血證而遂用炒薑。必有悞投熱證而妄用生薑。必有悞治。而且病痔之人。兼酒立發癰瘍之證。多食卽

一生惡肉。豈曰薑能通神明。去穢惡。而樂用之乎。

○沈則施先生曰。按前賢成無己云。薑聚味辛甘。專行脾胃之津液。而和營衛。藥中用此。亦可逐邪出汗而解。而李時珍謂去邪辟惡。生啖熟食。醋醬糟鹽糖蜜浸製無所不宜。可蔬可茶。可果可藥。其用博矣。凡早行山行。宜嚼一片。不犯霧露清濕之邪。及山嵐不正之氣也。

金靈昭先生曰。按前賢朱丹溪云。薑本辛熱。炒黑則苦而平矣。能由陽入陰。由陰出陽。所以引氣藥入血分而補血。引血藥入血分而止血。如血虛發熱。產後大熱。必須用之。止血痢腸紅。及唾血吐血嘔血下血。血脫面色白而天不澤。六脉濡弱。有陰無陽者。大宜加之。如古方

有用四君子。配當歸、熟地、加炒黑乾薑而治氣虛血脫者。有用四物湯配人參、黃耆、加炒黑乾薑而治血虛氣弱者。有陽生陰長、陰和陽合之義云。

倪朱謨曰：生薑乾薑統治百病。不拘寒熱虛實。并外感內傷及不內外因諸證。寒則爲桂附使。熱則爲苓連使。虛則爲參耆歸芍使。實則爲枳檳陳使。從芒硝、大黃則攻下而行。從熟地、石斛則凝斂而止。從燥藥則燥。從潤藥則潤。應外用者。或搗汁塗。或搗渣熨。治病萬種。應變無方。顧人用之何如耳。惟癰瘍疔血之證。宜禁用之。

○集方治中風痰迷人事不清。用生薑一兩。半夏、人參、白朮各五錢。水煎服。

○治中暑熱極煩渴。用生薑三片、黃

連一錢。知母、石膏各五錢。甘草五分。水煎。臨服時加童便一盞。○治中氣昏厥。亦有痰閉者。用生薑五錢。半夏陳皮、木香各一錢五分。甘草八分。水煎。臨服時加童便一盞。○治中一切禽獸蟲魚草木諸毒。用生薑汁半盞和糞清半盞。微溫服。○治霍亂轉筋。不吐不瀉。用生薑汁半盞。和童便半盞。食鹽五分。調勻。冷服。○治感冒風寒。用生薑五片。紫蘇葉一兩。水煎服。○治泄瀉自利。用生薑一兩。烏梅五箇。煎湯調沙糖五錢。飲之。○治臍腹冷疼。用乾薑一兩。吳萸、砂仁各三錢。水煎服。○治吐血逆湧盈盆。用炒薑炭一兩。懷熟地、白芍藥各五錢。茯苓、羚羊角屑各二錢。甘草一錢。水煎服。如四肢厥冷。脉細。

欲脫者。加製附子、人參各五錢。○治嘔吐久不止。用沙
薑炭、白朮各一兩。水煎服。○治時行寒瘧。用生薑四兩。
白朮二兩。草果一兩。水五大碗。煎二碗。于未發時早飲。
○治冷痰嗽。用生薑二兩。飴糖一兩。水三碗。煎至碗半。
溫和徐徐飲。

續補集方治暴逆氣上。用生薑三片。嚼之立定。○治心

下痞脹。兼嘔噦者。用生薑四兩。半夏二兩。水十碗。煮二

碗。徐徐服。○治霍亂轉筋。入腹欲死。用生薑三兩。擣細。

入白酒內煮滾。徐徐飲。以薑渣乘熱敷痛處。○治胸脇

滿痛結實硬脹者。以生薑一觔。擣細炒熟。布包于患處。

欬欬熨之。冷再易。○治大便秘不通。用生薑醬內淹一日。

削成尖條。納入穀道中。○治濕熱發黃。用生薑。周身時

時擦之。漸退。○治暴赤腫眼。用古銅錢刮薑取汁。于錢

上點之。次日即愈。○治諸病舌上生胎。以生薑片蘸鹽

湯擦之。自去。○治滿口爛瘡。用生薑搗汁。頻頻汨漱。甚

良。○治齒牙疼痛。用老生薑切成碎米。用枯礬等分拌

勻。時時擦之。○治刀斧金瘡。用生薑搗極爛。敷上。扎定

次日即生肉。○治閃肭手足并跌撲內傷。用生薑和葱

白搗爛。和麯炒熱。會之。○治腫毒初起。用老薑一塊磨

汁。時時塗之。漸消。○治一切禽獸百蟲咬人中毒。用生

薑搗汁。外敷內服。自解。○治中一切草藥食毒。用生薑

搗汁。半盞徐徐飲之。即解。○治血痢不止。用乾薑炒成

炭末五錢。真阿膠、麥麴拌炒成珠六錢。甘草、川黃連各三錢。共爲末。和勻。每服一錢。米湯調服。

○薑皮味辛而散。去表寒。消浮腫。化痞滿。腹脹之藥也。煎湯代茶飲。其効立見。

○薑葉味辛而溫。散水結。殺魚膈。生冷諸積之藥也。搗汁和酒飲。其驗如神。

治陰毒傷寒。惡寒無熱。嘔吐泄瀉。呃逆吐衄。口鼻冷氣。水漿不入。甚至大小便不禁。語言無聲。目睛凝定。四肢厥逆。身冷如冰。先用葱搗爛炒。乘熱熨臍上。如冷再炒。換熨。內服加味理中湯。乾薑、大附子、炮人參、白朮、肉桂各一兩。甘草五錢。水煎溫服。徐徐灌之。

蘼荑、味辛、氣溫、無毒、可升、可降、陽中陰也。入手少陰、足太陰、厥陰經。

李氏曰：蘼荑，南北處處有之。八月下種。初生柔莖圓葉，有花岐，根軟而白，冬春采之。香美可食，亦可作蔬。立夏後開細花，淡紫色，如芹菜花。五月收子，如大麻子。亦辛香，於蔬菜中。子葉俱可用，生熟俱可食，宜肥地種之。

○蘼荑，通心氣，辟惡氣，發痘疹之藥也。吳養元曰：此藥辛溫，香竄內通心脾，外達肢體，能辟一切不正之邪，能發一切鬱逆之氣，故痘瘡沙癰發出不快透者，以此煎飲。又將根莖數枝，臥床上下左右懸掛，聞此香氣，卽百邪可祛，百病可出。和胃散風，開鬱導閉，設有胡臭汗氣，天癸穢血之氣，用此大能辟除。若天令陰寒，兒體虛弱，用此最妙也。

○集方治痘瘡出不快。用蘆荑三錢煎湯飲之。如冉不透。

再用蘆荑二兩。切碎入礮內。以酒一壺煎滾沃之。以物

蓋定。勿令洩氣。候冷去渣。微微含噴。從項背至足。令遍。

勿噴頭面。○治產後無乳。用蘆荑煎湯飲之。○治小便

不通。用蘆荑煎湯飲之。○治中蠱毒。用蘆荑根。搗汁。半

升。和酒服。立解。○治腸風下血。或赤白痢。用蘆荑五錢。

甘草二錢煎湯頻飲。未効再用。

○治小兒盤腸氣痛。則腰曲乾啼。頭上出汗者是也。此是

感受風冷所致。急用蘆荑一把。葱白二十莖煎湯熨洗。

其腹良久。尿自湧出。其痛自止。

芹菜味甘。氣寒無毒。沉也降也。

李氏曰。芹有木旱二種。木芹生江湖陂澤之涯。旱芹生路園陸地。又有赤白二種。一月生苗。其莖有節。其葉對節而生。似芣薢莖有稜而中空。其氣芬芳。五月開細白花。如蛇牀花。楚人采以濟饑。其利溥哉。詩云。采芣薢。泉言采其芹。

○芹菜解酒熱丹石藥毒。烟火煤火之毒。之藥也。黃正陽曰。日華子治五種熱疸黃病。婦人血熱暴崩。天行時火。煩渴諸證。蓋涼而清利之物也。調鹽醋食可充蔬菜。如脾胃虛弱。中氣寒乏者。禁食之。二八月宜少食。恐蠶蜴虺蛇之精。嘗伏其中。悞食多有病瘕者。

○集方治已上諸病。俱用芹菜鹽醋調和食之。不配他藥兼用者。如治五種疸黃病。僅用米醋一味調食。鹽味鹹。

又不可加入也。

懷香即茴香。味辛甘平。氣溫。臭香。無毒。可升可降。陽也。入手

足太陰。少陰經。

李氏曰：懷香，深冬宿根再發，莖叢生，似蒿，高三四尺，細葉，嫩綠似藻，五六月開花，花頭如傘蓋，又似蛇床花而色黃，結子似麥粒，有細稜而輕浮，俗呼小茴香，所在皆有。惟寧夏者，稱第一。番舶來者，子大如栢實，裂成八瓣，一瓣一核，核似豆，黃褐色，臭更芳香，味更甜蜜，俗呼八角茴香，廣西左右江峒中亦有之，形與中原者迥別，第氣味相同。北人得之，咀嚼薦酒，入藥最良。修治者，焙燥，研細用。八角者，去便及子。

○懷香，溫中快氣之藥也。方龍潭曰：此藥辛香發散，甘平和胃，故唐本草善主一切諸氣，如心腹冷氣，暴疼心氣，嘔逆胃氣，腰腎虛氣，寒濕脚氣，小腹弦氣，膀胱水氣，陰癰疝氣，陰汗濕氣，陰子冷氣，陰腫木氣，陰脹滯氣，其溫中散寒，立行諸氣，乃小腹少腹至陰之分之要品也。倘

胃腎多火得熱卽嘔得熱卽痛得熱卽脹諸證與陽道數舉精滑夢遺者宜斟酌用也。

○集方治一切諸氣爲病用小茴香一兩炒研爲末每服三錢不拘時隨證用藥湯導引○治心腹冷氣用木香吳茱萸○治暴疼心氣用玄胡索香附○治嘔逆胃氣用砂仁白朮乾薑○治腰腎虛氣用杜仲補骨脂○治寒濕脚氣用蒼朮獨活○治小腹弦氣用荔枝核橘核川椒○治膀胱水氣用猪苓澤瀉木通乾薑○治陰癰疝氣用荔枝核橘核吳茱萸○治陰汗濕氣用蒼朮斷艾木香○治陰子冷氣用肉桂吳茱萸製附子○治陰腫木氣用紅花桃仁肉桂玄胡索○治陰脹滯氣用牛

藤木香、肉桂、龍膽草。○治卵核大、痼欲死、厥陰冷寒之氣。用肉桂、乾薑、木香、製附子，已上俱用小茴香為主。隨證配藥一二錢，煎湯調服。出方脉正宗。

○治痔瘡痔漏方。痔者成癰，未破也。宜服解毒清火調理氣血藥。痔有五種

曰壯曰牝曰脉曰腸曰氣也。壯痔者，肛門邊發露肉珠狀如鼠奶。時時滴膿膿血也。牝痔者，肛門邊生瘡腫突一見膿潰即散也。脉痔者，腸口類類發癰且痛且癢。血出淋瀝也。腸痔者，肛門內結核有血寒熱往來登廁脫肛也。氣痔者，遇七情怒氣即發，肛門腫痛氣散即消也。又有酒痔，每遇醉酒即發，即腫痛流血。血痔者，遇大便則血出不止。諸痔若久不愈，必至穿穴為漏矣。許玄應口傳治痔煎藥方。用小

茴香一錢、槐角子、玄參、黃柏、荆芥、苦參、白芍藥、當歸、生地、甘草、地榆、連翹各三錢、金銀花五錢、水二碗煎一碗。

食前服。○又方治痔瘡膿血內潰者。用小茴香末一錢。黑白牽牛子取頭末三錢。用獐猪腰子一個剖開入藥末在內。線扎紙裹。水濕灰火內煨熟。去紙空心嚼吃。忌飲食半日。至巳時腹中打下。先膿後血。毒氣出盡。永不復發。○內托丸。用小茴香五錢。黃耆白朮當歸白芍茯苓熟地黃川芎各一兩。人參肉桂各五錢。煉蜜丸。空心服。外有熏洗方。并生肌散。俱見馬齒莧下。藥線方。見草烏下。治痔漏。只有一孔者。用此藥。不過十日全愈。用小茴香一兩。白芷三兩。白礬一兩。三味共爲細末。鐵杓內鎔成餅。再炭火煨令烟盡。取出去火毒爲細末。用麪糊和爲錠。成條插入漏內。直透裏痛七日爲止。

每日用三次。十日結痂而愈。

羅勒。味辛。氣溫。微毒。可升。可降。陽也。入手足太陰。手足陽明經。

劉氏曰。羅勒又名蘭香菜。南北處處有之。有三種。一種似紫蘇葉。一種似生菜葉。一種葉大者。極香。三種俱於三月種之。乃生。否則不生。嘗以魚腥水。米泔水。澆灌則香而茂。但不宜糞水也。且溝旁水側廣種之。饑年亦可濟用。其子褐色。如蜜。七月收之。

○羅勒調中和胃消食去惡氣之藥也。按吳瑞本草云。能辟飛尸。鬼疰。蠱毒。而李東垣治牙疼口臭神功丸用此。但取其去惡氣而已。故飲膳正要云。與諸菜同食。味辛香。能辟腥氣。皆此意也。

○其子去目中翳障極驗。用羅勒子洗晒。每納一粒。入背內。閉目。少頃連膜而出。李瀕湖謂取子試之水中。亦脹。

大蓋此子得濕卽脹。故能染惹。膠障浮膜爾。然目中不可着一塵。而此子可納三五顆。亦不妨礙。此一異也。

集方治汗出染衣。黃如栢汁。此名黃汗。其證發熱。汗出而渴。身體浮腫。此因出汗時。受風冷水寒之氣。入于汗孔得之。宜服四仙散。用羅勒二錢。桂枝三錢。黃耆白芍藥各五錢。水酒各一碗煎服。

菜部

菜滑類

薺菜味甘。氣溫。無毒。

吳氏曰薺生野中。處處有之。其類有大小二種。小者莖扁。花葉亦小。味美。其最細者名沙薺也。大者根莖皆大。而味稍苦。詩云。誰謂荼苦。其甘如薺者是也。冬至後生苗。正二月起莖。五六寸。開細白花。莖莖如一。結莢如小萍。而有三角。莢內細子如寧龍子。四月收之。李氏曰。釋家取花莖。作桃燈杖。可辟蚊蠅。謂之護生草。

○薺菜和中。利五藏之藥也。蔡心吾曰。甄氏方取根葉燒灰。白湯調服。二三錢。治赤白久痢極効。作羹食。亦利腸胃。解酒積。去滯。而又能收斂浮氣也。花葉對生。整齊如一。故名薺。而又止齊一身之氣。故治痢去積滯不行者可通。久痢多行者可止。蓋取此薺之義云。

蒲公英味甘。氣寒。無毒。沉也。降也。入足少陰經。

李氏曰。蒲公英。江之南北。平澤地上。他處亦有。嶺南絕無也。小科布地。四散而生。一莖直上。莖端開花。色黃如金。形如單瓣而大。莖長三四寸。斷之有白汁。嫩苗可充蔬食。二月采花。三月采根。有紫花者。名大丁草。又一種相類而無花者。名地膽草。治瘰各州。三種俱能制汞伏砒。

○蒲公英化熱毒。解疔腫癰瘍之藥也。蘇氏方治婦人乳

癰結核。惡腫疔毒。同忍冬藤。用生酒煎服。一睡即安。真仙方也。

○集方治乳癰并一切惡毒。蘇氏方未成。一服即消。用蒲公英一

兩。金銀花八錢。當歸三錢。瓜蒌一箇。連皮搗爛。乳香沒

藥各一錢五分。甘草二錢。酒水各二大碗。煎碗半。徐徐

服。○台牙方所正齒不堅固。取蒲公英晒乾。燒灰擦牙妙。

莧菜味甘。氣寒。性滑。無毒。

李氏曰。莧有數種。有赤、白、大、小。家種、野生。之不同。並以三月發苗。四月刈其嫩葉。作羹食。如六月以後。老則味苦。不堪食也。謂細花成穗。穗中細子。扁而光黑。與青稻子。雞冠子各別。八九月收之。莖老者長四五尺。子生者北人呼爲糖莧。柔莖細葉。味比家莧更勝。水煮晒乾。亦可療饑。

○莧菜滑腸利結之藥也。陸平林曰。雲林方善治老人血枯氣結。大便不行。取金華醃猪肉和莧菜煮食。卽潤澤可通。又婦人胎前食此可令易產。產後大便閉滯不通。食此亦可潤腸胃。如胃腸不實。大便溏泄者勿食。有蟲積脹滿病者勿食。又不可與鼈肉同食。食之生鼈瘕。取鼈肉切豆大。以莧菜封裹埋土內一宿。盡變成小鼈也。

馬齒莧味甘酸氣寒無毒

李氏曰馬齒莧處處園野生之柔莖布地細葉對生六七月間開細黃花結小尖莢莢中細子如葶藶子初夏采其苗煮晒乾可為蔬食似莧而實非莧今以莧名者因其形類氣味與莧同也又名五行草其葉青梗赤花黃根白子黑也韓氏曰此有二種葉大者不堪用葉小者節間有木銀簍十觔有六兩至八兩者故方上采取別有法度伏硫結采煮丹砂伏硫黃死雄黃制雖黃又種水馬齒莧生水中形狀相似亦可為食

○馬齒莧療三十六種風毒又散血消腫解毒利大腸滑

胎氣通淋結之藥也味本甘酸而性頗滑利故孟氏方

去風涼血解毒利竅通淋蓋本於氣寒而性利也如脾

胃虛寒與大便溏滑者勿用可也

○集方治三十六種風毒結瘡用馬齒莧百觔水二百觔

煮爛取汁熬膏不時塗之○治小便腫痛用馬齒莧搗

爛傳之。○治產後血痢方。小便不通。臍腹痛。用生馬齒莧

四兩。搗汁三合。煎熬減半。和方白蜜十餘匙。再煎百沸。每

早晚隔湯頓服。○治痔瘡初起。用馬齒莧水方煮。和油醬

食之。以湯熏洗。一月即愈。○治老人虛人。產後婦人。大

便閉澀不通。用馬齒莧煮熟。和油醬味食之。○治小便

熱淋。用馬齒莧搗汁一碗。空心溫方和服。○治中蠱欲死。

用馬齒莧搗汁一升。飲。○治腹中有蟲。用馬齒莧一觔。

水煮熟。調醋醬味食之。少頃白蟲盡出也。○治小兒臍

爛不瘥。用馬齒莧燒灰。研細。傳之。并治牙疳臭爛。○治

諸瘡久不瘥。用馬齒莧晒乾燒灰。摻之。○治毛蟲蜂蠱方

螫人。赤痛不止。用馬齒莧搗爛。塗之。妙。○治筋骨疼痛。

不拘風濕寒氣及楊梅毒并婦人月信病用馬齒莧二
觔五加皮半觔蒼朮四兩俱搗爛以水煎湯洗澡畢隨
用葱頭十個生薑二兩搗爛泡湯二碗服之用綿被蓋
取汗立時痛止○治脚氣浮腫食胃心統心腹脹滿小便澀少用
馬齒莧煮粥食之

洗痔漏神方用馬齒莧茄根葱頭各十餘莖艾葉五
楮子皮稍各三錢花椒五十粒右剉水煎先薰後洗當時
痛止○治痔瘡潰爛敷藥可止爛煎濕用馬齒莧曬乾
燒灰一兩輕粉二錢寒水石煨海螵蛸水煮過各五錢
共爲極細末敷搽患處外用單油粉膏藥貼蓋可收口

薯蕷又名山藥味甘。氣寒平。無毒。入手足太陰經。

別錄曰薯蕷生崑山山谷。吳氏曰今臨胸鍾山南廣蜀道北都四明山東江有懷慶諸處春取宿根以黃土和牛糞作畦種之苗長以竹稍作引高一二尺夏月頻灌之。李氏曰入藥野生者為勝供饌家種者為良春生苗蔓延籬落紫莖綠葉葉有三尖似白牽牛葉更厚而光澤五六月開花成穗淡紅色結莢成簇三稜合成堅而無仁其子別結葉旁狀似雷丸大小不一皮色土黃內肉清白煮食甘滑春冬手根生時歸地如粉乾則內實不虛其色紫白如玉青黑者不堪入藥種植甚易截作數片者亦生隨所許之窠而像之也南中一種生山中根細如指極緊實刮磨入湯煮之作塊不散味更甘美食之尤益於人勝於家種者江浙間中一種根如薤芋皮紫極大者重數觔煮食雖美但氣寒於北地者修治勿用平田生二三紀者須要山中生經十紀者其皮赤四面有鬚者長采得以銅刀刮去赤皮洗去涎再蒸過晒乾用。

○薯蕷養脾胃益心肺滋腎陰之藥也。按方龍潭言甘能

和脾甘能補肝甘能除大熱甘能益陰氣如六味丸所

本草藥言 不卷十六 薯蕷 五

以用此以滋陰也。如脾弱泄瀉。久痢腸滑。養脾如驚悸。

怔忡。健忘恍惚。益心如皮膚憔悴。乾咳無痰。益肺如夢。

泄遺精腰膝痿弱。滋腎必須此藥治之。甘涼而補。為中。

正和平之用也。如東垣老人君參朮以補脾。君參麥以。

補肺。君參歸以補心。君參地以補肝。君參杞以補腎。無。

毒可以嘗服。使之乳製尤妙。婁全善曰。肺為腎之上源。

源既有滋。流豈無益。如八味丸所以用此以強陰而養。

陽也。又藥性論言能補五勞七傷。作粉調食尤佳。

○集方治脾弱泄瀉及久痢腸滑不禁。用山藥四兩。人參。

白朮各二兩。三味用淨土一錢。研細拌炒。北五味子一。

兩。訶子肉二兩。俱炒燥研末。每服五錢。空心米湯調下。

○治驚悸怔忡。健忘恍惚。用山藥四兩。人參一兩。當歸身三兩。酸棗仁五兩。俱炒燥。研末。煉蜜丸。梧子大。每服五錢。白湯送下。○治皮膚憔悴。乾咳無痰。用山藥四兩。人參一兩。麥門冬八兩。去心。知母三兩。鼈甲二兩。湯泡洗淨。火燒醋淬。蓮子百粒。不去心。分作十劑。水煎服。○治夢泄遺精。腰膝痿弱。用山藥四兩。人參一兩。枸杞六兩。懷生地牛膝木瓜杜仲。歲莖各三兩。俱炒燥。牡蠣二兩。火燒。共研末。煉蜜丸。梧子大。每服四錢。白湯下。

○續補集方治膀胱眼膏瘍。用山藥沙糖各等分。同搗塗上。即消。先以乾麪水調塗四圍。乃上此藥。○治頂後結核。或赤腫硬痛。用山藥二兩。草薢子肉十個同研。傅貼即

消○治手足凍瘡用山藥一兩研末以猪肉湯調塗。
治肺癰膿血頻唾咽乾口渴面皮虛浮用山藥百合薏
苡仁杏仁川貝母桑白皮地骨皮黃耆各三錢枳殼瓜
蒡仁當歸桔梗甘草各一錢水煎服喘急加蘇子。

百合味甘苦。氣平。無毒。入手足太陰。手足厥陰。手足陽明經。

別錄曰。百合生荊州山谷者良。今近道處處亦有之。李氏曰。二月生苗。一幹直起。葉如竹葉而短。衆葉環列。無旁枝。莖端開花。長四五寸。有二種。一丹黃色。間紫黑斑。點初開內拱如梅。次早翻列如毬。而不結子。別着葉蒂。間赤碧如貝。根微苦。頃亦轉甜。一純白如扈。連莖傾側。花瓣六出。夜間發香。清蘊。葉蒂間不着子。根肥而甘。形如胡蒜。重疊上餘瓣。二月八月采。根陰乾用。

○百合養肺氣潤脾燥之藥也。張仰垣曰。此藥根色純白。屬金。根形疊瓣似肺。故元素方治肺熱咳嗽吐膿血。骨蒸寒熱。別錄方治脾火燥結。大陽乾澀。四肢浮腫。胸腹臃脹。仲景方治五藏神氣內亂。驚駭顛狂。傷寒熱邪百令。行住坐臥不寧。大氏方治心下急脹。脚氣癰腫。相火

暴發諸疾。上上衆病。悉屬氣虛。而火邪病藏之證。百合力能安定。倘如中虛胃寒。泄瀉不食。爲脹爲咳。爲陰躁。陽潰神散。顛亂諸證。此藥無與力也。

○集方治肺熱咳嗽吐膿血。兼骨蒸寒熱者。用新鮮百合

八兩。配知母川貝母天門冬麥門冬懷生地薏苡仁北

沙參各四兩。熬膏煉蜜收。每早晚各服十餘匙。人參湯

調服。○治脾熱肺正宗便閉。火燥乾結。大小俱不利者。用新鮮

百合水煮爛。頻食妙。○治脾熱氣滯四肢浮腫。胸腹臃

脹。大小不通利者。方同上法。○治五藏金匱方神氣內亂驚駭

顛狂。及傷寒熱邪百合。行住坐臥不寧。有四方。一方百

合。知母湯治傷寒百合病。行住坐臥不定。如有鬼附狀。

已發汗者用百合七枚知母三兩水八碗煮取二碗服。
一方百合雞子湯治百合病已經吐後者用百合七枚
水五碗煮取三碗入雞子一箇青黃皆移入煮數沸服。
一方百合代赭石湯治百合病已經下後者用百合七
枚代赭石一兩滑石三兩水五碗煎取二碗服一方百
合地黃湯治百合病未經汗吐下者用百合七枚懷生
地黃八兩水八碗煮取三碗服。○治傷寒百合病或變
渴或變熱或變腹滿俱用百合四兩煎湯頻頻飲。○治
方脈正相火暴發心下急脹或脚氣腫痛或癰疽腫痛用新鮮
百合四兩搗汁和生白酒少許溫服取渣可傳腫痛
處。○治傷毒腫脹不穿用百合搗爛和食鹽少許傳之。

良。○治天泡濕瘡用新鮮百合搗爛塗之。一二日即安。

○治諸燥結大便不通。用百合一兩。當歸、生地黃、火麻仁

去殼各五錢。桃仁、杏仁俱去皮。各三錢。枳殼、厚朴、黃芩

各二錢。甘草八分。水煎早晨服。

身熱煩渴。大便不通者。是熱閉也。本方酒煮大黃一錢。
久病元虛。大便不通者。是虛閉也。加熟地黃、人參各二錢。
羊肉二兩。因汗出過多。大便不通者。是津液枯竭而
閉也。加麥門冬、一兩。人參、二錢。風證大便不通者。是風
閉也。加防風、二錢。麻痺天麻、枸杞子、各五錢。老人
大便不通者。是血氣枯燥而閉也。加熟地、枸杞子、各五錢。
錢。臨服和人乳。或牛乳一鍾。虛弱人并產婦及失血大
便不通者。是血虛而閉也。加熟地黃、一兩。多食醇酒炙
煨辛熱之物。大便不通者。是實熱火閉也。加黃連、天花
粉各二錢。萊菔二合。

菜部 蘇菜類

苦壺盧味苦氣寒有毒

李氏曰苦壺盧卽苦瓠也南北處處有之詩云瓠有苦葉國語云苦瓠不材於人其濟而已皆指苦壺盧而言也風俗通云燒瓠可以殺蛇或云畜瓠之家不焚瓠瓠瓜之家不焚漆物性相畏也蘇氏言服苦瓠過分則利不止者以黍穰灰汁解之凡用苦瓠須文埋瑩淨無點翳者乃佳不爾有毒

○苦壺盧行水之劫劑也張龍泉曰前古治大水漬肌膚

中面目四肢浮腫以此煎水飲立消故時賢諸方書用

治黃疸脚氣及水脹不行之證捷如桴鼓如胃家實而

能食者投之却當倘胃虛不能食脾元虧損而成水脹

者久病脾陽不運而成腫滿者悞服立見危敗

○集方治大水脹滿頭面四肢腫大用瑩淨好苦瓠白瓢

本草彙言

卷十六 苦壺盧

三

捻如豆粒。以麩裹湯煮數沸。空心服七枚。至午卽出水一斗。二日水出盡。大瘦乃瘥。須忌鹹味二年。○治通身水腫。用苦匏膜二兩。苦葶藶一兩。俱炒燥。研爲末。棗肉丸如小豆大。每服五丸。白湯下。日二次。水下止後服。○治黃疸腫滿。用苦匏瓢如大棗許。以童子小便一合。浸一時許。取兩棗核大。納兩鼻中。深吸氣。待黃水出。愈。○治努肉血翳遮睛。用小苦壺盧陰乾。於緊小處鋸斷。內挖一小孔。如眼孔大。遇有此病。將眼皮上下。用手掙開。將壺盧孔合定。初雖甚痛苦。然瘀肉血翳皆漸下。亦不傷睛。○治九癭有孔。用苦匏四枚。大如盞者。各穿一孔。如指大。湯煮十數沸。取一竹筒長五寸。一頭插匏孔中。

一頭注瘡孔上。冷卽易之。用數遍乃止。○治卒中蠱毒
或吐血。或下血。如爛肝者。用苦瓠一枚。水二升。煮一升
服。立吐卽愈。

○敗舊瓢。味苦。氣寒平。無毒。

李氏曰。瓢乃壺斂。破開作器用之。以苦瓢爲佳。年久尤妙。

○集方治中滿

方蘇正宗

腹脹。用三五年舊陳壺盧瓢一個。盛酒於

炭火上炙熱浸之。如此炙浸半日。傾出酒。將瓢燒存性。

研末。每服二錢。仍將瓢內原酒調下。○治腋下瘤癭。用

李氏謂方

陳舊壺盧瓢一個。燒存性。研細末。未破者。茶蜜水調塗。
卽漸消去。已破爛者。乾摻上。卽出水盡而愈。

絲瓜味甘。氣寒。性冷。無毒。沉也。降也。

李氏曰。絲瓜南北皆有。二月下種。生苗引蔓。棚架其莖大如蜀葵。而多尖。有細毛刺。取汁可染綠色。其莖有稜。六七月開黃花。五出。其結瓜長三寸許。或有長二三尺者。有按路深綠色。有皺點。瓜頭如龜首。蠟時去皮。可充蔬。老則大如杵。筋絡纏結。如織經霜乃枯。惟可潔淨。展滌釜器。內有子。狀如括樓子。黑色而扁。

○絲瓜涼血解熱。利大小二便之藥也。陳羽陵曰。色綠象水。味甘入脾。質柔入腎。性滑入大腸。故本草諸方善止血痢。出癰疹。消熱痰。通利二便。亦取其質性冷滑。而下氣降火耳。如脾胃寒弱之人。中年腎陽衰怯。命門無火之證。須禁食之。

○集方治腸風血痢。并一切下血。危篤不可救者。用霜後絲瓜燒存性。爲細末。槐花一錢。炒人參八分。煎湯調服。

○治酒痢下血腹痛。如魚腦。或五色者。用絲瓜一箇。燒

存性。研末。空心白湯調服。○治痘瘡出不快。或初出。或

未出。多者令少。少者令稀。用老絲瓜近蒂三寸。連皮燒

存性。研細末。淡砂糖湯調服。○治風熱痰嗽。用老絲瓜

一箇。煎湯。頻頻飲之。○治大小二便熱結不通。用老絲

瓜一箇。甘草二錢。木通三錢。煎湯。頻頻飲之。

○續補集方治坐板瘡。用老絲瓜。搗爲末。燒酒調搽。○治

天泡濕瘡。用絲瓜搗汁。調真鉛粉搽之。○治手足凍瘡。

用老絲瓜。搗末。臘猪油調搽。○治乳汁不通。用絲瓜連

子。燒存性。研末。熱酒調服三錢。被覆取汗即通。○治小

腸氣痛。連臍衝心者。用老絲瓜連蒂燒存性。研末。每

三錢熱酒調下。甚者不過三服即消。○治癰瘡用絲瓜
葉毛面擦之。○治牙宣露痛用絲瓜藤一把川椒五十
粒燈心百根水煎濃汁汨漱其痛立止。○治腰痛不止
用絲瓜根搗爛五錢酒煎服立止。

葷辛類外有蒜頭、薤、薤、菘菜、芥菜、蕪菁、蒔蘿、白花菜。○
滑菜類外有菠薐、薤菜、生菜、蒿苳、蕨菜、水蕨、薇、芋、甘露
子、竹筍。○蔬菜類外有茆、冬瓜、南瓜、菜瓜、黃瓜、苦瓜。○
水菜類外有紫菜、石蓴、石花菜、鹿角菜、龍鬚菜。○芝菜
類外有木耳、杉菌、香蕈、葛花菜、磨茹、雞、地耳、石耳
共三十六種俱詳載食物本草中。

本草彙言卷之十七

錢塘

倪朱謨純字甫選集

男倪洙龍沖之氏藏稿

沈公葉定白甫校正

姪沈九穀克全氏參閱

蟲部 卵生類

蜂蜜味甘。氣寒。性潤。無毒。沉也。降也。入手足太陰陽明經。

按類書云。蜜蜂一名蜜。謨爾雅翼云。蜜。謨似繭而小。工亦各有蜜。北海經云。數城之上。足蜂蜜之窟。今土木之蠶。在木中。故多木蜜。又如杭之於潛縣。及金陵懷安諸處。山巖石壁中有巖蜜。石蜜也。今人家所畜之蜂。小而微黃。大率腰腹相稱。如蠅。蟬也。喜事此者。以窠木容數斛。置蜂其中。養之。開小孔。繞容出入。宋嘉記云。七八月中。皆有蜜蜂。群過。有一二小蜂。先飛。覓止泊處。人知。輒置一木桶。以蜜塗桶內。飛者聞蜜臭。便舉群悉至矣。盧氏曰。今人家養蜂。或羣逸。以百千萬數。中有大者。為王。羣蜂翼之。從其所往。人收養之。多在穀雨春分時也。蜂采取百花。醴釀造蜜。其房謂之蜜脾。王之所居。蟻積如事。

蜂無王則盡死。君臣之體生死不移也。一日兩出而聚
鳴齊號爲兩衙。其出采花者。或花鬚上粉。置兩側。惟甘
丹芍藥蘭蕙之粉。或負於背。或戴於首。如采無所得者。
徑宿花間。一不敢歸。或整鬚人。蜂亦尋死。故古稱蜂蠶
有毒。近其房。則羣起攻人。寒冬無花。茶蘼房內。卽以釀
蜜爲食。春暖花朝。復出採采矣。蘇氏曰。宛陵有黃連蜜。
色黃而味小苦。雍雒間有梨花蜜。色如凝脂。亳州太清
宮有楡花蜜。色小赤。柏城縣有何首烏蜜。色更赤。各隨
所采花色。性之溫涼亦相近也。蜜脾之底爲蠟。卑雅云。
蠟生于蜜。而天下之味莫目于蜜。樊淡于蠟。蓋厚于此
者。必薄于彼。理之固然也。西方之書曰。味如嚼蠟。舊說
蜂之化蜜。必取匿猪之水。注之蠟房。而後蜜成。故蠟者
蜜之跡也。方言云。其大而蜜謂之壺蜂。卽今黑蜂也。蓋
亦曠蜜。楚詞所謂赤蟻若象。玄蜂若壺者是也。李氏曰。
試蜜真偽。以燒紅火鉢。緋入蜜中。提出起氣者爲真。起
烟者爲偽。修治每涉蜜一觔。用水四兩。入銀石器內。桑
柴火慢煮。掠去浮沫。至滴水成珠不散。乃用。又法以器
盛貯重湯中。煮一日。候滴水不散。取用方佳。且不傷火
也。孫思邈曰。七月勿食生蜜。令人暴下霍亂。味酸色青
赤者。食之心煩。不可共慈。及蒿苳同食。令人下利。食蜜
飽後。不可食鮓。令人暴泄。口沈氏曰。四方之蜜。氣味常
以關。少霜雪。鮮花多熱。蜜性則熱。川蜜性溫。西蜜性

涼也

○蜂蜜潤藏府和營衛通三焦李時珍燥火之藥也陸平林曰蜜

蜂采百花精英醞釀而成得草木雨露清陰之氣故味甘氣寒性潤質柔而利久藏不壞草木之華水之精也如前古主心腹邪結及驚癇煩悶甄氏主赤白痢疾瀉滯不通日華子主腎陰虛燥二便不行諸證凡和百藥治衆病之因風因火因燥結者用之甚佳雖稱甘平補益之劑但寒滑潤下之勢居多如胃寒食少者脾寒作泄者大腸氣虛完穀不化者嘔吐涎痰及中滿腹脹者俱不宜用生者有毒尤不宜食與生葱薤白同食令人利下亦能損人

本草彙言

入卷十七 蜂蠶

二

○集方

仲景方

治傷寒陽明病自汗小便反利大便硬者津液內

燥也以蜜煎導之用生蜜二合銅器中微火煎之候凝

如飴狀入水內乘熱捻作挺令頭銳大如指頭長寸半

許候硬納入穀道中少頃即通也○治心腹邪結及胃

脘作痛者用蜂蜜熬熟半盞薑湯沖服○治心虛內熱

以致驚癇煩悶者用生蜂蜜滾湯調服五錢○治赤白

痢疾正脹滯不通用白芍藥川黃連甘草大黃各一錢五

分白蜜十匙水煎服○治產後口渴用蜂蜜煉熟白湯

調服三錢○治橫生難產諸用蜂蜜麻油各半碗煎滾白

湯和服立下○治一切惡毒疔腫用生蜜少許同葱白

膏塗患上一時許則疔出後以醋湯洗去

蜜蠟

俗名黃蠟

味甘淡氣溫無毒氣味俱薄陽也入足陽明經

陶隱居曰蠟生蜜中故謂蜜蠟蜂先以此爲蜜醴取蜜時得之陳過濾入水中候凝取之初時極香軟而白久

則轉黃色矣如炸化內水中十餘遍亦轉白色外有一種白蠟係小蠟延樹吐白凝結成與此蜂蜜蠟不同也

○蜜蠟瀉腸止痢托毒收膿之藥也李氏曰蠟蜜之凝結

於底者也與蜜同出一源而萬物之至味莫甘於蜜莫

淡於蠟蜜之氣味俱厚屬乎陰也故入脾蠟之氣味俱

薄屬乎陽也故入腸胃蜜性緩而質柔故潤藏府而利

大便蠟性齏而質堅故吸膿解毒而止洩痢一類二物

有各異如此古人儉歲以此度饑但合太棗咀嚼卽易

爛也仲景方治痢有調氣飲千金方治痢有調血湯其

効甚捷但性本收瀉治虛寒久痢者宜之倘暴痢火積

不清者不宜用也。

○集方治赤白痢金匱痢疾小腹痛不可忍下重或面青手足俱變

者用黃蠟阿膠各三錢同溶化入黃連末一錢和熱湯

六盞攪勻分三次服立驗○治熱痢及婦人產後下痢

用黃蠟阿膠各三錢同溶化入當歸末二錢和熱湯一

盞攪勻分三次服立驗○治諸瘡毒久爛膿血泄而瘡

口不飲用黃蠟一兩溶化將凝入枯礬細末三錢熬熟

香油數匙攪勻搗成細小丸子每服二錢毒在上食後

服在下食前服俱用熱酒送下○治陰蝕瘡用黃蠟猪

油各一兩同溶化加鉛粉真珠冰片蚌竹屑俱研細末

葱白搗爛化各三錢同調入蠟油內用鵝羽蘸藥搽之

○治內外廉瘡。用黃蠟一兩。猪油五錢。同溶化。入孩兒

茶鉛粉。龍骨粉霜。共研極細末。調入蠟油內。作夾紙膏

貼之。○治脚上凍瘡。風裂疼痛。用黃蠟溶化。塗入裂中。

○治犬咬瘡。發用黃蠟溶化。灌入瘡中。○治妊娠胎漏

下血。用黃蠟五錢溶化。熱湯一碗。沖入。即服立止。

○蜂子味甘氣平微有毒。

周子曰。乃蜜蜂子也。食之者。須用冬瓜。生薑。紫蘇。制其毒。○按蜜蜂有十。石。木。三種。俱能釀蜜。其子皆可食。以充饌。用外有胡蜂。殺蜜蜂稍大。其色有黃黑二種。於人家屋角上。結房。小者如升。大者如斗。結山林大樹間者。有大如巨鐘。其房孔數百層。土人采時。着草衣。蔽身。以捍其攢螫。復以烟火薰房。蜂母飛去。斷其蒂。持歸。入甕。蒸熟。取出。蜂子計五六斗。或一石者。取出。形如蠶。蛹。瑩白者。以薄鹽微淹。暴乾。京洛以爲方物。如翅足具者。不堪食矣。然胡蜂子皆可食。大抵治病。功能以蜜蜂子。性味亦不相遠也。外有一種七里蜂。黑頭鐵嘴。其窠如鵝

卵皮厚蒼黃色。只有一個蜂。大如小燕子。其毒最猛。人馬被螫。立死也。又一種。蜂。出巴中。在蛇穴內。其毒倍常。中人手足輒斷。中人心胸即圯裂而死。非藥可療。故元稹詩云。巴蛇蟠窟穴。穴下有巢蜂。近樹禽垂翅。依山獸絕蹤。微遭斷手足。厚毒裂心胸。昔有招魂客。應憐瘡瘵逢。此胡蜂之毒如此。

○蜂子。去大風癰疾之藥也。聖濟總錄方。治大風癰疾。用

諸攻毒藥。兼用蜂子。蓋亦足陽明太陰引經之劑。古人充饌品。以進賓客。而本經別錄言。能補虛羸。傷中諸證。

○集方。治大風癰疾。鬚眉墮落。指節開裂。皮肉已爛成瘡者。用蜜蜂子。五錢炒。白花蛇。烏梢蛇。俱酒浸。去皮骨炙乾。全蝎。僵蠶。地龍。去土。蠶虎。赤足蜈蚣。各十五枚。俱炒。硃砂五錢。雄黃三錢。俱研極細末。冰片五分。共研勻。每服一錢。蜜湯調下。日二次。

露蜂房味甘苦鹹性平有毒。

蘇氏曰露蜂房懸山林大樹上。得風露者。其蜂黃黑色長寸許。螫人及牛馬皆至死。非人家屋下小蜂房也。小者如藥。如斗大者如巨鐘。色淡黃。有層疊雲頭斑紋。其窠有數百。及干眼者。修治剪碎。酒浸一宿。火上炙用。

○露蜂房驅風攻毒散疔腫惡毒之藥也。梁心如曰。蜂性有毒。螫人則痛極欲死。以其得火氣之甚也。故蜂房係胡蜂吐沫結成。亦非良物。如別錄方治風痺腫痛及附骨惡疽。內癰疔腫。根在藏府。及歷節風疼。痛如虎咬。蓋取其以毒治毒之義云。若病屬氣血兩虛。無風毒外邪者。與癰疽潰後元氣虛乏者。皆不宜服。

○集方治風痺手足腫痛。用蜂房一兩。炒焦爲末。蒜肉五錢。切片。醋浸七日。取出。同蜂房搗傳患上。○治風蟲牙。

痛用蜂房一塊細辛一錢煎湯漱之。○治重舌腫痛用蜂房白殭蠶各等分俱炒燥爲末酒調傳。○治疔腫惡毒用蜂房半枝連各等分煎湯飲。○治附骨惡疽及歷節風痛用蜂房數兩炒搗末酒調厚傅患上。○治小兒頭上軟癰頻作用蜂房二兩切碎搗末巴豆肉二十粒香油內煎滾俟豆枯浮濾出清油調蜂房末敷之。○治頭上癰瘡用蜂房搗末臘猪油和塗之立効。○治乳癰內結腫硬不散不潰用蜂房五錢炒水煎服三四次愈。

白蠶蠶味甘鹹辛氣平無毒氣味俱薄浮而升陽也入足厥陰手太陰少陽經。

李氏曰蠶蟲屬陽喜燥惡濕食而不飲三眠二起二十七日而老自卵出而為蚘自蚬脫而為蠶蠶而為繭繭而為蛾而蛾而卵而復蚬亦神蟲也其種東南居多西方畧少北方則無矣蠶病風死其體直殭其色自白死且不行也今市肆多用中濕死蠶或川石灰末飛拌令白服之為害最深不可不與也雷氏曰修治用米泔浸一日俟桑涎吐出浮水上者即掠去之洗淨後火焙乾淨布拭去黃皮毛并理口甲為細用。

○白蠶蠶驅風痰散風毒解瘡腫之藥也夏碧潭曰蠶蠶蠶之病風者也挺直屬木色白屬金得金木堅清之化故善治一切風痰相火之疾如前古之治小兒驚癇搐搦恍惚夜啼李氏方之治大人中風痰閉悶絕人事不省或喉痺腫塞水穀不通或頭風齒痛腮頰硬脹或皮

膚風癢。斑沙疥瘡。或天行痘瘡。起發不透。或麻疹錯逆。隱約不紅。或痰痞癥塊。寒熱併作。凡諸風痰氣火風毒熱毒濁逆結滯不清之病。投之無有不應。蓋假其風氣相感而用之也。繆氏曰。此藥性本清散。其功長於祛風化痰。攻走經絡。散有餘之邪。凡大人中風失音。小兒驚癇夜啼。由於心虛神怯不寧。血虛經絡勁急所致。而無外邪爲病者。忌之。

盧子繇先生曰。蠶。昆蟲也。食而不飲。三十日乃化。三眠三起。起如衛氣之出行陽道。眠如衛氣之入行陰道。三十日大眠。則衛氣已周。周則變而化。吐絲爲經矣。不化者。風白爲殭。故象形從治。內逆而爲驚癇夜啼。伏匿而

爲痰風喉閉齒痛頰硬外顯痘疹之不明及皮膚風癢之欲蛻者此皆不能從蒸而變順之使出以從化也淮南子云蟬飲不食蠶食不飲飲滋經氣食益經隧咸從任督四布經絡變化相同功能亦一也

○集方治

一切風方

痰喘嗽用白殭蠶七箇直白者薑汁調

服○治小兒驚風搐搦并臍風口噤氣促而聲不出者

用白殭蠶錢五分天雄尖附子尖各一錢錢五分微炒爲末每服

三分或五分以生薑湯調灌○治小兒夜啼用白殭蠶

一錢錢五分微炒爲末每服三分濃煎燈心湯化下○治大人

中風痰閉悶絕人事不省用白殭蠶一兩人參五錢俱

微炒研細末生薑十片搗爛泡湯調服○治喉痺腫塞

水穀不通。用白殭蠶五錢。膽星一錢五分。共研極細末。每服三分。薑汁和白湯少許調灌。○治頭風齒痛。頰頰硬脹。用白殭蠶一兩。薄荷葉生半夏。薑湯泡三次。荆芥白芷甘草各五錢。北細辛一錢五分。共研末。白湯調服三錢。○治皮膚風癢。斑沙疥瘡。用白殭蠶一兩。連翹薄荷荆芥川芎各五錢。白芷羌活黃柏各三錢。共研末。每服三錢。燈心湯調服。○治天行痘瘡起發不透。用白殭蠶蟬退瑣瑣薄荷各二錢。紅花八分。水煎服。○治麻疹錯逆。隱約不紅。用白殭蠶蟬退各一錢。連翹桔梗黃芩薄荷天花粉玄參石膏甘草各七分。水煎服。○治痰痞癰塊不散。漸成寒熱往來者。用白殭蠶真紫蘇葉各四

兩炒。生半夏二兩切片薑汁拌炒玄胡索木香各一兩六錢共研細末真阿膠五錢酒化成糊拌入藥內再加煮紅棗肉爲丸梧子大每服二錢酒下○治頂上瘰癧外症方用白殭蠶二兩炒研末每服一錢白湯調服日二次○治小兒龜病普濟方胸腹凸硬如磚用白殭蠶四兩炒研末用白馬屎一碗和拌晒燥再用半夏麴一兩研末打糊爲丸梧子大每服一錢白湯化下○治小兒鱗體皮膚如蛇皮鱗甲之狀由氣血否滯亦屬胎毒用白殭蠶一觔蛇蛻四兩共爲末夏月每日取一撮煎湯浴之○晚蠶沙味甘氣溫無毒可升可降可行可散入手少陽足太陰經

蘇氏曰蠶沙即蠶屎也。以晚蠶者良。李氏曰須曬燥用清水淘淨再曬燥可久收不壞。

○晚蠶沙祛風暖血之藥也。陸杏園曰藏器方治緩風皮膚麻木手足不隨腰脚痿軟兼治婦人血閉不通或癥結腹痛以此浸酒飲極効。又按陶隱居云蠶屬火其性陽能勝風去濕故蠶沙主療風濕痺證能活血舒筋去瘀行滯不但去風濕而已也。繆氏曰如癱緩筋骨不隨由於血虛不能榮養經絡而無風濕外邪侵犯者不服。○東鄉老人曰蠶神蟲也卵育紙上遇冬用食鹽淹拌蠶紙一層鋪鹽一層置露屋上一月收藏而春後始能發生亦奇物矣蠶蛾性淫出繭即媾至於枯敗乃已別錄方言強陽道益精氣暖水藏益本於此意。

○集方治緩風皮膚麻木手足不隨腰脚痿軟又治婦人血閉經脉不通或癥瘕血結腹痛用晚蠶沙一觔炒黃浸酒十壺每日早午晚隨量飲數杯其渣濾乾再炒燥用布包熨摸痛處應効甚捷。

九香蟲味甘鹹氣溫無毒。

李氏曰九香蟲產貴州永寧衛赤水河中大如小指頭身青黑色至冬伏石下取之。蛭蟻蟄後卽飛出不可用。

○九香蟲補脾腎壯元陽通膈腕滯氣之藥也。陸杏園曰按攝生方烏龍丸治上件諸證久服益人妙在此蟲之力也。

五倍子。味苦酸。性燥澀。氣平。無毒。氣薄。味厚。飲也。陰也。入

手太陰。足陽明經。

馬氏曰。五倍子。在處有之。蘇氏曰。常以罇中為勝。李氏曰。樹名膚木。生叢林中。本才俱青。六七月有小蟲如蟻食其樹滋。老則遺種。結小毬子。子葉間正如蜘蛛之作。雀獲頭蟲之伴。蟬子也。初起甚小。漸長如菱。或大如拳。形狀圓長不等。嫩時青綠。老則黃潤色。綴于枝葉間。宛若結成。其殼中空。堅而且脆。內有細蟲如蟻。蟻土人霜降前未取。蒸過貨之。否則蟲必穿破而散。專止腐矣。藥工造為百藥煎。以染皂色。大為時用。他樹亦有此蟲。蟬不入藥用。木性殊也。

○五倍子。澀津收液。飲氣止血之藥也。周憶齋曰。此藥結珠葉底。小則如黍。如粟。大則如菱。如栗。故名五倍子也。似蟲卵而不屬蟲卵。似果實而不屬果實。此屬假木氣。以賦形者矣。如開寶方。治齒宣疳。口舌生瘡。是飲而

去浮腐之氣也。治濕癬瘙癢。膿水淫漬。是飲而去濕熱之氣也。時珍方。去赤眼濕爛。水淚眵膜。是飲而去火鬱之氣也。治頑痰留滯。咳嗽頻發。是飲而升其清降其濁也。如寇氏方。之消五痔下血。摻之即愈。藏器方。之治腸虛泄利。投之即止。又如日華子之開喉痺。止自汗。化酒積。收脫肛。止欬嗽。生津液者。亦飲而收之。飲而降之。飲而止之。飲而聚之。之意也。然而味之酸澀。質之堅脆。性之燥嗇。如咳嗽由於風寒外感。宜散不宜飲也。咳嗽由於肺火壅閉。宜清不宜飲也。瀉利由於食積停滯。宜導不宜飲也。瀉利由於濕熱痞滿。宜通不宜飲也。若誤服之。反致壅塞喘脹。以其酸飲太驟。火氣無從發越故也。

如勞損陰虛咳嗽動血之證亦不宜用。謂其性燥能燥肺系故也。觀染家作皂色必需此用。然絲布服之未久必致碎裂可見。

○集方治齒牙宜露疳齔作臭爛者。或小兒走馬牙疳者。

用五倍子炒焦一兩。枯白礬銅青各一錢。為極細末。先

以髮簪用米泔溫水漱淨。搽之。○治濕癬瘡癢膿水淫

潰。用五倍子炒焦。枯白礬各等分。研細末。猪油調搽。○

治赤眼濕爛水淚多膜。或有努肉翻出。用五倍子二錢。

打碎。銅青三分。研碎。川黃連五分。同滾湯泡出藥味。以

軟帛蘸洗。一日二次。○治頑痰留滯咳嗽頻發者。用五

倍子三錢。川貝母二錢。五味子一錢。共研細末。煉蜜丸。

彈子大。夜臥時口中含化。○治五痔及藏風下血。用五倍子一兩。枯白礬三錢。共研極細末。煉蜜丸。每早服二錢。白湯下。如五痔下血。外用此藥傅上。或煎湯薰洗。亦可。○治腸虛泄利。久不止。用五倍子五味子各一兩。白朮補骨脂骨碎補各二兩。丁香五錢。俱炒燥。爲末。飴糖丸。梧子大。每早服三錢。米湯下。○治喉痺腫塞不通。用五倍子三錢。杏仁霜二錢。硼砂膽礬各一錢。共爲細末。吹入喉間。吐痰即通。○治白汗盜汗不止。用五倍子研末。米湯調。填臍中。縛定一夜。即止。○治酒積作痛作泄。多在食後發者。用五倍子甘草陳皮各一兩。共爲末。每早服二錢。用海螵蛸一塊煎湯調服。○治肛脫不收。用

五倍子煎湯溫浸。用軟帛輕輕托上。卽收。虛人用人參一錢煎湯服。○治行路作勞之人口渴少津。用五倍子、五味子、人參各三錢。爲極細末。煉蜜和丸。彈子大。隨時噙口內。卽生聚津液。

○續補集方治暑月水泄。用五倍子研末。飯丸黃豆大。每

服三十丸。荷葉煎湯送下。○治孕婦漏胎。用五倍子炒。

研末。酒服二錢。立効。○治耳瘡腫痛。用五倍子炒黃。研

末。冷水調塗。濕則乾摻。○治牙縫出血不止。用五倍子

炒焦。研末。傅之。○治天行口瘡。用五倍子、黃柏各等分。

研末。摻之。○治魚口便毒初起未成膿者。用五倍子炒

黃。研末。以米醋調塗患處。一日夜卽消。○治頭上熱瘡。

及風濕諸毒。用五倍子、白芷各等分。炒黃。研末。摻之。膿水即乾。如乾者。以香油調塗。○治諸瘡久不收口。用五倍子焙燥。研末。以米醋調。塗瘡口四圍。離瘡數分。○治烏鬚髮。用五倍子製。方見金石部紅銅條下。

○百藥煎。味酸鹹甘。氣平。無毒。

陳氏曰。用五倍子。鮮者十觔。搗細。如乾者亦可。配真茶葉一觔。甘草桔梗各八兩。俱焙燥。研為細末。和入五倍子末內。并搗勻。入真酢水五觔。和勻。裝入缸內。石壓實。七日後取出。再搗再壓。計搗壓共七次。計四十九日。捏作餅。晒乾用。

○百藥煎治病功能。與五倍子同。但經釀造。其體輕虛。其性浮收。且味帶甘。專治上焦心肺痰嗽熱渴諸病。較之五倍子更精妙。煉蜜和丸。入口含化。數分更善。

桑螵蛸味甘氣平無毒氣薄味厚陰也入足少陰太陽經

陶隱居曰桑螵蛸螳螂子也李氏曰螳螂馬首脊背長頭大腹二手四足兩臂如斧善緣而捷以髮代目喜食人髮能騎桑捕蟬深秋乳子作房粘着枝上房名螵蛸者狀輕驅如捕也內重重有圓房每房有子如蛆卵至芒種節後一齊俱出故月令有云仲夏螳螂生也螳螂逢樹便產以桑上為巢兼得桑皮之津氣也

○桑螵蛸通血閉利五淋行小便止遺溺之藥也張盛吾

曰此藥得秋金之陰氣而產兼得桑木之津氣而成又

遇芒種火令當時而生故前古主通血閉經阻腰痛若

五淋便閉遺溺若疝瘕遺精白濁凡屬肝腎胞絡相火

鬱逆血氣不和諸證用之立應

○集方治婦人血閉腰痛用桑螵蛸三十枚炒研末酒調

服○治五淋澀痛不通用桑螵蛸炒黃三十枚研末車

前子煎湯服。○治小便不通。用桑螵蛸三十枚炒黃研末。黃茶湯調服。○治婦人遺尿。用桑螵蛸酒洗炒黃龍骨各三錢共爲末。每服二錢。壯蠟煎湯調服。如妊娠遺尿。用米湯調服。如產後遺尿。用益母葉煎湯調服。○治男婦疝瘕作痛。用桑螵蛸一兩。小茴香一兩二錢共研末。每服二錢。花椒湯調服。○治遺精或白濁。用桑螵蛸一兩炒黃研末。每服二錢。空心白湯調服。

蟲白蠟味甘氣溫無毒

李天曰：蟲白蠟產四川、瀾廣、滇南、閩嶺、越東南諸郡。皆有之。以川、滇、衡、永產者為勝。其樹枝葉狀類冬青。四時下凋。五月開白花成叢。結實紫。大如薔薇子。生青熟紫。若冬青樹子。則紅色少異也。其蟲大如蟻。或為白脂。乃後則延緣樹枝。食汁吐涎。粘着樹之嫩莖。化為白脂。乃結成蠟。狀如凝霜。處暑後即氣取之。謂之蠟渣。過白磁器。即粘實難刮矣。其渣煉化。愈淨。或甕中蒸化。瀝下磁器中。待凝成塊。即為蠟也。其蟲嫩時白色。吐涎作蠟。老則赤黑色。乃結苞於樹枝。初若黍米大。入春漸長。大如雞頭子。紫赤色。繫桑抱枝。宛若樹之結實也。蓋蟲將造卵作房。正如雀窠。桑蠟蛸之類。俗呼為蠟子。白如細蟻。一包數百。次年立夏日。摘下。以箬葉包之。分繫各樹。苦種後。苞折卵化。蟲延出葉底。復上樹吐蠟也。樹下要潔淨。最防蟻蟲食其蠟。蟲又有水蠟。樹葉發似榆。亦可放蟲生蠟。又有甜櫟樹。亦可產蠟。又按類書云：唐宋以前。虎屬入藥。所用皆蜜蜂蠟也。此蟲白蠟。自元時人始製造用之。今則為日用物矣。

○蟲白蠟止血生肌肉之藥也。朱丹溪曰：此藥色白屬金。

稟受收歛堅凝之質爲外科要藥與合歡皮同入膏藥料中爲止痛生肌長肉歛口之要劑古方入丸散用能殺瘰癧

○集方杖丹長肉方用白蠟黃蠟各二兩黃連一兩以猪油一觔熬黃連轉黑色浮起去渣入二蠟收之每遇是患用軟帛攤貼紫緊自愈

雀甕味甘氣平有毒

商隱居曰雀甕各楊刺子大小如蠶身背上有五色斑狀如碑礫文可愛也通身四面皆有毛能刺螫人老者口中吐白汁凝聚漸硬結殼形如巴豆本結樹上惟石榴樹上尤多殼中成蟬如蠶之在繭也夏月羽化而出放子如蜂人以毛刺人肉內瘡痛用新絲綿揩之毛刺即出

○雀甕子治小兒急慢驚風并臍風撮口之藥也

○集方治小兒急慢驚風口眼喎斜搐搦痰盛用雀甕殼

三枚去殼取汁全蠍五枚硃砂研細一錢再共研勻飯

丸粟米大每服三四丸薑湯下○治小兒臍風口際用

雀甕子五枚取汁蜈蚣一條燒存性取汁和勻每服二

分乳汁調服一方加真鉛粉一分

楊雞又名紅娘子。味苦辛。氣平。有小毒。入足厥陰經。

蘇氏曰紅娘子出岐州今汴洛尤多形類蠶蛾李氏曰博即臭椿也此物初生頭方而扁尖喙向下六足重翼黑色及長則能飛外翼灰黃有斑點內翅五色相間各帶樹上布置成行秋深結子六七月成熟燥用。

○紅娘子通血閉行瘀血破胎孕之藥也陶隱居曰此藥

性味猛厲為蟲類之最酷者方藥稀用惟通經墮胎草

澤醫往往以此私利戴氏曰近世用治癰癰結核及風

狗咬傷并一切穢汚淫毒用此見効與芫青斑蝥同用

亦是活血散結之義也何前人集神農本草經謂為益精

強志生子補中之說欺世害民莫此為甚豈仁人濟世

之書哉

○集方治癰癰結核用紅娘子十四枚乳香一錢黃丹一

錢砒霜。硃砂各六分。糯米粥和作餅貼之。不過一月其核自脫下。外貼長肉膏藥。○治風狗咬傷。用紅娘子三箇。斑蝥五箇。並去翅足。乳香。沉香。桔梗各五分。共爲末。十歲者作四服。十五歲作三服。二十歲作二服。三十歲作一服。用豆腐漿食前調下。○治橫痃便毒。用紅娘子六箇。去翅足。取雞子一箇。開小孔。入紅娘子於內。飯鍋上蒸熟。去紅娘子。只食雞子。以酒過下。小便淋瀝。出膿血卽愈。

斑蝥味辛氣平有毒

韓氏曰斑蝥所在皆有之陶氏曰此一蟲有四變二三月在芫花上呼爲芫青四五月在葛花上呼爲葛上亭長七八九月在豆花上呼爲斑蝥十月十一月復還地蟄呼爲地蟄按芫青嘴尖身青綠色背上一點黃葛上亭長頭赤身黑額上有一點大紅色斑蝥形如巴豆背上有一畫黃一畫黑又有黃黑斑點嘴尖尖處有一小赤點地蟄冬月入蟄在地中或墻石內狀如大螞蟻頭黑尾赤者四蟲乃是一類但隨時隨寓變狀耳且治療亦相同也再此地界分之芫青處處皆有惟寧州者上葛上亭長處處皆有出雍州者良斑蝥處處皆有出河東河內山谷者妙地蟄處處皆有出汶山及梁州者佳

斑蝥化癰癰托鼠癰爛疥癰墮胎娠通淋閉潰死肌解

狂犬咬以毒攻毒之藥也李氏曰此藥專主走泄下竅

而潰化筋膜死肌故癰癰鼠癰癰瘡淋結不通諸證用

之且癰癰有根使之拔出瘡癰使之攻潰淋結使之直

至精溺之處。或如魚睛出。或如粉片出。或如翳膜出。或如血塊出。或如爛肉出。或如膠膿出。皆其驗也。但毒之在小便。必澀痛不可忍。當以木通、滑石、燈心、甘草、川黃連煎湯導之。倘用之不善。如潰傷肌肉。攻害藏府。崩敗血氣。爲禍有不可勝言者。宜詳慎用之可也。

○集方治癰癰連串癰癰連串用斑蝥一百箇。去翅足。巴豆肉三顆。去殼。研去油。蜜陀僧一兩。火燒。郁李仁肉三兩。共研極細末。麩糊爲丸。如粟米大。每大人三分。童子二分。俱食後白湯吞下。日二次。未潰卽消。已潰卽收斂矣。治多年癰瘡服法同。○治多年頑癰。用斑蝥十個。微炒爲末。蜜調敷一次。卽退。○治經閉有娠。不欲生育者。用斑蝥三

個微炒研末。粥飲爲丸。清晨白湯吞下。卽下。○治穢毒
內脹。小便淋閉不通。用斑蝥三個。去翅足微炒。研末。白
湯調服。○治癰毒內潰外不破。或破而內膿不出。用斑
蝥爲末。以蒜肉一片。搗膏。拌和如豆許。貼毒上。少頃膿
出。卽去藥。○治便毒。不拘已成未成。用斑蝥三個。去翅
足。炒。滑石三錢。同研。分作三服。空心白湯下之。一服毒
從小便出。卽消散。如小便痛澀者。以車前木通澤瀉甘
草各二錢。水煎服。○治風狗咬傷垂死者。用斑蝥三七
箇。去翅足。用糯米一勺。拌斑蝥七個。畧炒微黃。去斑蝥
再以七個如前拌炒。復去之。再以七個如前拌炒。炒至
米焦。青烟起爲度。去斑蝥。只以焦米研細。用冷水調入。

清油五六匙攪勻服之。以小便利下毒物爲度。如不利。再如法製炒服。如利後肚疼者。用冷水調靛青一塊服。卽解其毒。或煎川黃連一錢。冷服亦解。否則有傷人。一晝夜不宜飲一切熱湯酒也。

全蠶味辛甘。氣平。有毒。入足厥陰經。

馬氏曰。蠶出青州諸北路。山石中及人家屋舍板壁牆堵處。有地龜魚形。如蠶。婦兩腋有六足。尾長有節。其色青。生子色白如稻粒。多負于背。至用謂之全蠶。用尾謂之蠶頭。其力能治風。蠶者以木碗合之。即有。

○全蠶攻風痰風。也。陸平林曰。此物產於東方。色

青。尾長。乃肝木之類。為厥陰之用。故開寶方主小兒驚

風。搐搦。痰涎壅盛。或牛馬猪羊雞。五般癰證。或大人中

風。口眼喎斜。或頭風眩痛。耳鳴耳聾。或便毒橫痃。風毒

癰瘍。或遍身風癩。皮膚如鱗甲。雲斑諸證。咸宜用之。乃

辛烈攻走之性。為能祛風逐邪。兼引諸風藥。入達病所。

如氣血兩虛。似中風證。及小兒慢驚。慢脾風病。咸忌之。

○集方治小兒初生。斷臍洗浴。風入臍。以致唇青口撮。

出白沫不乳者名曰癰風用生蠶三個微炒研末入麝香一釐生薑湯調服一分○治小兒驚風或胎驚天釣或五般癰證用全蠟二十個以石榴刺空納蠟于中以頂蓋紙糊微火炙燒存性取中間焦者入硃砂五分麝香冰片各五釐研勻每遇發者取一二分或乳汁調或生薑湯調服如大人中風口眼喎斜或頭風眩痛耳鳴暴聾皆可醫治可用五分○治便毒橫痃或風毒癰瘡或遍身風癩皮膚如鱗甲雲斑風癰諸證用全蠟百枚甘草五錢俱微炒研末每服七分溫酒調服服半月即愈○治小腸疝氣用全蠟十四枚胡盧巴五錢俱微炒研末每服一錢溫酒調服○治偏正頭風痛不可忍用

全蠶二十一箇。白頸蚯蚓六條。蜈蚣五個。俱烏爛五倍。子五錢。爲末。酒調。貼痛處。○治久瘡經年不愈。用全蠶四十九個。白朮二兩。俱微炒。好黃土三錢。炒紅共研末。飯丸。梧子大。每服二錢。清晨生薑湯送下。

續補方。治男婦老幼腹中蟲積。歲時常發。用全蝎二十
一枚。炒燥研末。配白牽牛末五錢。遇發時。每服一錢。若
濃溫茶調下。○治小兒吐瀉不止。作慢驚風。疲困昏沉。
默默不食。用全蝎二個。白附子。僵蠶。天麻。木香。各五分。
甘草。白茯苓。白芍藥。各一錢。人參。白朮。黃耆。各二錢。生
薑三片。黑棗五個。炒黃米三錢。水煎服。○治小兒卒中
惡毒。心腹刺痛。悶亂欲死。并驚風。天弔。全蝎三錢。天麻。
鈎藤。犀角屑。羚羊角屑。甘草。降真香。沉香。鬼白。茯苓。各
五錢。雄黃三錢。麝香五分。共爲細末。煉蜜丸。芡實大。每
服一丸。生薑湯化下。

酒煮爛。搗成膏。和前藥。再加煉蜜。少許。爲丸。梧子大。每早晚各服三錢。溫酒下。○治諸惡獸傷人成瘡。用蟬蛻不拘多少。搗爛塗之。

蚱蟬味甘鹹。氣寒。無毒。可升可降。入手太陰。足厥陰經。

李氏曰。蟬。謂蜩螗也。名。夏月始生。自蟬蛻。腹育。轉相變化。昏夜出土中。拆裂殼背而出。亦有蜩蛻。轉化。生者。俱形大而黑。方首廣額。兩翼六足。五月始鳴。其鳴以鼻。吸風飲露。漸而不糞。三十日而死也。古人多食之。夜以火取謂之耀蟬。入藥。古人用身。今人用蛻。大抵藏府經絡宜用身。皮膚瘡瘍宜用蛻。物各從其類也。又按陶隱居曰。按禮記云。仲夏蟬始鳴。卽此蚱蟬是也。蚱蟬多息。楊柳樹上。蚱者。蟬聲也。蟬者。變化相轉也。其類甚多。惟蚱蟬一物。入藥用。其外有蟋蟀。寒蟬。蛻蛻。馬蜩。寒蟬之名。如形小而色青紫。七八月鳴者。蟋蟀也。九十月鳴而聲甚淒急者。寒蟬也。二月中鳴。似寒蟬。而形更小者。蟬母也。俱不入藥用。

蟬蛻祛肝經風熱。風毒之藥也。門吉士曰。蟬稟水土之

濁氣化而成形。又得風露之清氣動而飛鳴。所主所用。純乎厥陰肝木之應。故藥性論專主小兒驚癇夜啼。壯熱風搐。或天弔口噤。瘡疹不起。兼主大人頭風眩運。目昏翳障。或皮膚瘡疥。癰疽痛痒。已上餘證。皆屬風火風痰爲肯者。必假此清空輕達之劑。以解而散之。發之出之也。別錄方又治婦人生子不下。或胎下而胞衣不落。藉此清虛善脫之物。而治胎產血穢未離之疾。蓋以已脫而治未脫之義也。

繆仲醇先生曰。蚱蟬。藥水土之精。風露之氣。其鳴清響。能發音聲。其體輕浮。能出瘡疹。其味鹹寒。能解風熱。其性善脫。能脫翳障。及女子胎胞不下也。

○集方治小兒驚癇夜啼川蚱蟬蛻四十九個去前截用
後截微炒爲細末每服五分鉤藤一錢煎湯調下如壯
熱發摘薄荷一錢煎湯調下天鈞口噤全蠍一錢煎湯
調下瘡疹不起葱頭麻黃一錢煎湯調下○治大人頭
風眩暈用蚱蟬蛻一百二十個去後截用前截微炒爲
細末每服一錢二分防風二錢煎湯調下目翳昏障木
賊一錢煎湯調下皮膚瘡疹癰癤痛癢用蚱蟬蛻前後
截通用微炒爲細末每服一錢二分金銀花三錢煎湯
調下如婦人胎胞不下用乳香沒藥川芎當歸益母草
各二錢煎湯調下

○續補集方治破傷風用蚱蟬蛻一兩炒研爲細末每早

晚各服一錢。白酒調下。外用葱數株。研爛。取涎調蟬蛻。

末塗破傷處。即時出惡水。立効。○治痘瘡作癢。取蚱蟬

蛻。止身癢。用上截。下身癢。用下截。通身癢。通身用。和甘

草等分。微炒。爲細末。取梅樹嫩葉。煎湯調搽。○治痘後

目翳。用蚱蟬蛻。通身用。三錢。和羊肝煮熟。取羊肝食之。

○治小兒無故陰腫。用蚱蟬蛻五錢。取下半截。煎水洗。

或微炒。爲細末。白酒調搽。○治大人目盲翳障。用蚱蟬

蛻。上截一兩。蜜蒙花。白蒺藜。草決明。穀精草。甘菊花。懷

生地。女貞實。各一兩五錢。俱用酒洗炒。研爲末。每服二

錢。臨臥飽肚。用熟羊肝蘸食。○治小兒風熱卒時急驚

癇病。取蚱蟬蛻。通身用。一兩。全蠍。伏神。僵蠶。鉤藤。各七

錢俱微炒。研爲細末。配硃砂、天竺黃、犀角、琥珀各三錢。俱研極細末。真牛黃三分。同前藥末總研勻。再用膽星二兩研末。打糊爲丸。如龍眼核大。真金箔爲衣。每服一丸。燈心生薑泡湯調下。○治痘瘡血熱出不快。取蚱蟬蛻通身用。三錢。犀角、生地黃、紫草、連翹、金銀花各二錢。甘草一錢。水煎服。○治小兒^{同上}痧瘳出不透。取蚱蟬蛻通身用。三錢。石膏、鼠黏子、西河柳、薄荷葉、玄參、甘草、乾葛、桔梗、前胡各二錢。水煎服。

蟬花味甘。氣寒。無毒。卽蚱蟬之頭上有一角。如花冠狀。入藥較之蛻更奇。禮記所謂蟬而有綏者是也。綏冠纓也。蘇氏曰。蟬花出蜀中。

○治一切耳痛。用蟬脫、石菖蒲各三錢，水煎服。○耳者腎之竅，心氣亦相通也。腎虛則耳鳴，耳聾。加生熟地、黃芩、歸、白朮、酸棗仁、石菖蒲，耳暴聾者，肝熱氣閉也，加當歸、白芍、石菖蒲、龍膽草、柴胡，耳聾而頭眩目花者，色慾動相火也，加生熟地、黃芩、枸杞子、黃柏、知母、山藥、兩耳腫痛者，肝腎有風熱也，加荊芥、防風、連翹、柴胡、白芷、黃芩、兩耳潰膿不乾者，肝腎有火鬱也，加黑山梔、白芍、藥、黃柏、白芷、久潰不斂，加桂枝、黃耆、白芍，藥外用吹耳散，治兩耳濕爛，方見龍骨條下。

螻蛄味鹹氣寒有小毒。

李氏曰螻蛄處處有之穴地居微壤濕土而生有短翅四足立夏後至夜則鳴聲如蚯蚓月令四月螻蛄鳴即此也雄者善鳴而飛雌者腹大羽小不善飛翔咬風食土喜就燈火或云火燒地赤置螻蛄於上任其跳死覆者雄仰者雌也入藥用雄更妙去翅足。

○螻蛄行水道利大小便之藥也顧汝琳曰此得濕土穢

壤化生性善鑽利故本草專主水藏壅逆水道不通二便閉脹欲死或水氣泛溢致成水腫脹滿腹大如腹面浮喘急不得臥者服此停水大行脹消喘定但此物攻利甚急虛人忌用必不得已用此中病即止水行之後宜大劑補養藥投之庶無後患也。

○集方治十種水病腹脹喘促不得臥以螻蛄五枚焙乾

爲末。食前白湯服一錢。小便利爲効。楊氏加甘遂末一錢。商陸汁一匙。取下水爲効。忌鹽一百日。○治^{楊氏家}噤鼻消水。面浮甚者。用螻蛄一個。輕粉二分半。爲末。每噤少許。入鼻內。黃水出盡爲妙。○治^{新法方}小便不通。用大螻蛄二枚。取小體者。搗爛。以白湯一盞。調飲。須臾卽通。○治大小便閉。經月欲死者。用螻蛄五枚。瓦上焙焦爲末。以白湯調飲。一服神効。○治^{新方}胞衣不下。因極腹脹則殺人。用螻蛄三枚。水煮二十沸。灌下喉。卽出也。

血周歲不行。用螻蛄二個。搗爛。綿子裹塞陰戶內。一日卽通。

蜣螂味鹹氣寒有毒沉也陰也入手足陽明足厥陰經

別錄曰蜣螂生長沙池澤其類有三四種以大而鼻頭高者目深背有玄甲者爲真李氏曰以土包糞轉而成丸雄曳雌推置於坎中覆之而去數日後小蜣螂罕乳于中也腹翼下有小黃子附母而飛晝伏夜出見燈光則來狐喜食之宜入藥用小者身黑而暗晝飛夜伏者不堪用修治以五月五日敗之良藥用去足火炙乾用

○蜣螂去奔豚瘕積之藥也梁心如曰此物稟水濕陰垢

糞土之氣而生吐唾推弄成丸化生之物也故農皇主

奔豚瘕積緣血氣留據而成病者假此氣化爲形之物

而治氣化搏結者投之立解如別錄方之塞下部引出

痔蟲日華方之傳惡瘡板疔毒藏器方之行血墮胎

李時珍方之化鼻中息肉小兒重舌諸證皆取其鹹能

軟堅毒能攻毒化生以成形而治化生以成病者如奔

豚瘕積痔蟲疔毒。息肉重舌。自消解矣。繆氏曰此藥外用易臻厥功。內服非虛人所宜。有毒故也。非不得已勿

輕試

○集方治奔豚瘕積舉發不常者。用蜚蠊三枚。去翅足。火

炙乾為末。酒調服。○治五痔有蟲者。用蜚蠊搗爛。塞穀

道痔旁。引蟲盡出。痔永瘥。○治一切惡瘡疔毒。忽得人

不識者。用蜚蠊搗汁塗之。○治疔瘡欲死。用蜚蠊心貼

半日。再換貼。血散疔自出。即愈。蜚蠊心在腹下。度取之。

其肉稍白是也。○治鼻中息肉。并小兒重舌。用蜚蠊三

箇。炙乾為末。入冰片五厘。研細。傳之。即消。○治腸漏出

水。用蜚蠊十枚。陰乾。入冰片少許。研細末。用紙撚蘸末。

入孔內。漸漸生肉。藥自退出。卽愈。不拘蜂癭。鼠瘻。亦可用此。○治轉胞千金方大小不通。欲死。用蜣螂炙乾。爲末。白湯調服。立通。

萬病回春

治氣隔臑脹。并翻胃噎食。用土裘一個。卽蜣螂所滾之彈丸。凡糞土之下。皆有用彈中有白蟲者。如指大如蠚。蟪一樣。將彈丸少破一點。仍蓋住。用火煨過大黃色。存性。不要燒焦。再配孩兒茶二分。金絲黃礬三分。麝香一分。朱砂四分。將土彈共四味藥。一併總研爲極細末。燒酒調空心服。如覺饑。用稀爛薄米粥。漸漸少進。一日二次。不可多吃。一日徐徐進一二碗足矣。俟五七日漸

漸加進粥食忌生冷煎炒葱蒜酒麪炙博厚味肥甘之
物及氣惱五十歲後二服卽効

廬蟲味鹹氣寒有毒

陶隱居曰廬蟲又名地鼈因形扁如鼈故得此名
家墻壁下土中濕處無甲而有鱗八足圓如箕二

○廬蟲破血積癥瘕行血閉寒熱之藥也梁心郊曰此物
得濕土之陰受幽暗之氣故其性有小毒以刀斷之中
有白汁如漿湊接半日即復聯續而能行動故今人以
之治跌撲損傷續筋骨有奇効也張仲景治雜病方及
久病積結有大黃廬蟲丸治瘧疾久發成瘡母有鼈甲
尤並用此以其有破堅下血之功也又接骨科治折傷
筋骨先以手整定骨節原位次用好酒研爛調服二三
枚即完固亦不痛矣如無瘀血留積者不宜用

○集方治產後腹痛有乾血癥瘕者用廬蟲二十枚去足

炒。桃仁二十枚。去皮。研。大黃一兩。酒煮。搗爛。成膏。和
爲丸。如彈子大。每早服一丸。酒下。○治久瘧成瘧。癰
癰。蟲。蜚。蠊。蜂。窠。俱炒。各二兩。桃仁。白芍藥。牡丹皮。厚樸
各三兩。桂枝。大黃。紫葳。乾薑。人參。瞿麥。半夏。俱炒。各一
兩。赤硝一兩五錢。共爲末。以鼈甲二觔。酒一斗。煮乾。以
鼈甲柔爛如膠。和丸。梧子大。每日空心服百丸。米湯下。
○治折傷筋骨。用麤蟲焙燥爲末。每服三錢。酒下。立効。
一方用生者。和酒研汁服。亦可。

蜚蠊味苦。氣微寒。有毒。沉也。降也。入足厥陰血分。

別錄曰。蜚蠊生江。夏。川谷。凡牛馬所在。都有之。寇氏曰。形類蜜蜂。腹四編。黃而微綠色。嘴銳而利。若鋒。鑽然。春半後。秋牛前出。暑月繁多。腹飽有血者。良。人藥去翅。炙乾用。

○蜚蠊破逐瘀血之藥也。程君安曰。按此物性善嚙牛馬及諸畜血。而用以治血瘀。血閉。血脹。除賊血在胸腹五藏者。因其性而爲用也。故別錄方治女子月水不通。積聚而成癥瘕痞塊。寒熱疼痛。投此立除。又傷寒畜血發狂。仲景用抵當湯丸。及乾血勞證。用大黃蟬蟲丸。二方中咸入之。以其散藏府宿血結積有神効也。又按繆氏仲蜚蠊其用大畧與蟬蟲相似。眞毒物也。又按仲景云。如傷寒發黃。脉沉結。小腹鞭。如小便不利者。爲無血。非

畜血也。不宜用也。瘀血未審的確者。不宜用也。女子月
水不通。由於脾胃薄弱。肝血枯竭。而非血結閉塞者。不
宜用也。腹中有癥瘕積聚。而兼有妊娠者。不宜用也。凡
久病氣血虛甚。形質瘦損者。不宜用也。

○集方治傷寒太陽病。身黃。脉沉結。少腹鞭。小便自利。其
人如狂者。用抵當湯丸。○治血瘀閉。乾血虛勞。羸瘦。肌
膚甲錯。兩目黯黑者。用大黃廬蟲丸。二方俱見廬蟲條
下。

蟲部 濕生類

蟾酥味辛苦烈氣熱有毒可升可降通行十二經絡藏府

膜原谿谷關節諸處

李氏曰蟾蜍銕頭大腹促眉漏聲皮上多癩癰生在江湖
陂澤及人家園固陰濕處五月五日取得用繩縛倒懸
乾死剉碎用○古人取蟾酥以油單紙裹蟾眉擠之酥
在紙上陰乾用今人取蟾酥用蒜肉及胡椒末納蟾口
內則蟾身白汁出以竹篦刮下麝和成塊
乾之亦可用其汁不可入目令人赤腫盲

○蟾酥療疔積消臃脹解疔毒之藥也湯濟菴曰按李時
珍言蟾蜍土之精也上應月魄而性靈與穴土食蟲辟
伏山精故能化解一切癰瘰癰滯諸疾如積毒積塊積
脹內疔癰腫之證有攻毒拔毒之功也然味辛辣而麻
入口舌即癢不可多用

○集方治疔積骨瘦面黃腹大肢細或好食泥土用真蟾

酥一錢酒二三匙浸化硃砂一錢麝香五分俱研細和

入蟾酥研為丸如麻子大空心服一丸白湯吞下三十

丸全愈○治一切臃脹方見本部蜒蚰條下○治一切

疔毒垂死用蟾酥一錢取酒二三匙浸化硃砂銅青乳

香沒藥各一錢二分研極細取大蜒蚰二十個共研丸

如麻子大每遇此患服五七丸葱頭湯吞下

蛭蚪李氏曰蛭蚪蝦蟆青龍之子也二三月蟄龍肖子于水際草上纏殺如索有黑點漸至春水時鳴以胎之

則蛭蚪皆出大如匙背狀如河豚頭圓身黑始出有尾無足稍大則足生尾退

○蛭蚪染髮之藥也趙天民曰按韋氏方取蛭蚪子和青胡牀皮入兩研細和搗如泥染髮即黑百日以

變又方取蛭蚪黑桑葉各半煎即勻入蜜蒸內密封埋土百日化泥取塗髮即黑如漆也

蜈蚣味辛氣溫有毒入手足厥陰經

李氏曰蜈蚣生南方處處有之生土石間及人家屋壁中形如馬陸而光黑綠色足赤腹黃雙鬚岐尾節節有足春出冬蟄南方山谷中有極大長尺者能制毒蛇性畏蜘蛛蜈蚣遇之即死修治火灸去頭足用外有干足蟲真相似只是頭上有白肉面并嘴尖把着腥臭入頂誤用能致人死

○蜈蚣治小兒驚癇風搖臍風口噤之藥也金自恒曰此藥性烈有毒能驅風攻毒蓋行而疾者惟風與蛇蜈蚣能制蛇故亦能截風如楊士行方治風痰風毒若癰癰便癰小兒風癰痰厥并臍風口噤等疾咸需用之別錄又治心腹惡血積聚血癥血癖寒熱面黃又能去瘀血也。已上諸證惟風氣暴烈血瘀血毒爲患者可以當之如屬血虛生風血熱成毒者宜斟酌投之。

聖濟錄云嶺南蠻烟瘴雨之鄉多毒蛇氣人有觸之項
腫連喉水漿不利寒熱頭脹用赤足蜈蚣一條研細白
湯調服卽愈據此則蜈蚣之治蛇蠱蛇毒蛇痕蛇傷諸
病皆此意也。

○集方治小兒急驚風癇瘳風天疳眼反白睛角弓反張

聲不出者用蜈蚣一條炙乾爲末硃砂輕粉各一錢麝

香五分共研勻用乳汁調灌一分再取一分吹兩鼻孔

○治癰癤潰爛不收用蜈蚣一條炙乾爲細末每日用

少許傳之○治便毒初起用蜈蚣一條炙乾爲末酒調

空心服○治腹內有惡血積聚血瘕血癖面黃寒熱腹

脹不食用蜈蚣三條炙乾爲末酒調空心作三次服○

治腹內^{明上}蛇痕是誤食菜中蛇精。或食蛇肉成痕。腹內常
饑。食物即吐。以蜈蚣三條炙乾研末。酒調空心作三次
服。○治無故腹大如箕。用蜈蚣三條炙乾爲末。入雞子
內攪勻。封固蒸熟食之。

蚯蚓味鹹氣寒有毒

李氏曰：蚯蚓處處壤地，多有之。孟夏始出，仲冬蟄結。雨則先出，晴則夜鳴。入藥以白頸者良，或搗爛，或曬乾用。

○蚯蚓療傷寒陽明伏熱狂謬之藥也。須四可曰：此藥得土中陰水之氣，性大寒，善降而下行，善治一切風痰熱痰諸疾，陳藏器治大人天行熱狂，小兒熱病癲癩，急驚風搐等證，大抵攻病用有毒之劑，中病即當止，勿過服也。性有小毒，如被其毒者，以鹽水飲之即解。

○集方治傷寒陽明熱結六七日，狂亂見鬼，以大白頸蚯

蚓二兩搗爛，童便一碗調和，絞汁飲。○治小兒急驚癲

癩風搐，用大白頸蚯三條搗爛，薄荷一兩煎湯調和。

絞汁飲。○治小便不通，不拘老人大人小兒，用大白頸

蚯蚓數條搗爛白湯調和絞汁一碗服立通。

蛭蚰又名味鹹氣寒有毒

蘇氏曰蛭蚰生人家牆垣石隙間。春夏間陰雨則生形如蠶頭有兩角。背黑有花斑點。肚白。身多涎。能制蜈蚣。見鹽即化爲水。

○蛭蚰解一切熱毒之藥也。蔡心吾曰此物稟地中陰濕之氣而生。水土之精也。善治一切風熱火燥爲青。一切風熱火痰爲病。如本經治賊風偏僻。筋攣腸結。甄氏治丹毒疔腫。喉痺癰毒。李氏治溲秘消渴。痰脹。蠱脹。研爛入諸丸藥。効驗甚速。然其氣大寒。非真有風熱火燥者不宜服。

○集方治陽火躁擾。陰血虧竭。賊風乘虛入中經絡。至成口喎身僻。四肢攣縮者。用五加皮六兩。當歸身四兩。共

酒炒。研細末。蛇蚶百枚。研爛。爲丸。梧子大。每服五錢。人參湯下。○治一切丹毒癰毒。疔腫喉痺。用生明礬二錢。研細末。以蛇蚶十枚。研和爲丸。如芡實大。白湯吞下。○治小便秘脹不通。用蛇蚶五個。搗爛。加麝香五釐。貼臍上。立通。○治消渴引飲。用蛇蚶十四粒。以溫湯吞之。○治一切臟脹蠱脹。用蛇蚶五十枚。革麻子肉四兩。巴豆肉一錢。俱研去油。生半夏一兩。研細。蟾酥三錢。真牛黃二錢。用酒半鍾。浸化。和入革麻。巴豆。半夏末內。拌勻。隨將蛇蚶。蟾酥。牛黃。和勻。總研成膏。爲丸。如麻子大。每早午晚各服十九。以津唾嚥下。